

TINODAWO KUONA JESU

 Maita henuy, Hama Borders.

² Ngatirambei takamira, manheru ano, kwekanguva, tichikotamisa misoro yedu kuti tinamate. Zvino, tine misoro yedu yakakotamiswa, pane chikumbiro here chaungada kuzivisa kuna Mwari? Chizivise neruoko rwakasimudzwa.

Mwari, vape chimwe nechimwe chazvo.

³ Baba vedu vari Kudenga, tauya, manheru ano, nemuZita reMwanakomana weNyu, Ishe Jesu, uYo anodikanwa. Tinouya tichinamata, tichitenda kuti Muchatipa zvikumbiro zvakumbirwa manheru ano, nekuti tinotenda, Baba, kuti zvinobva pamoyo wakaperera, kuti zvechokwadi vane chavanoda, uye chinodikanwa ichi ndecekuitira kubwinya kweNyu. Uye tinonamata kuti Mugovapa zvikumbiro zvavo, mumwe nemumwe wavo.

⁴ Zvino, huno huri husiku hwechipiri mushumiro, tinoKutendai nemanheru apfuura, nekuda kweavo vakauya kumberi kuzogamuchira Kristu seMuponesi wavo, tichivimba kuti mumwe nemumwe akanga achidzoka kumusha kubva muchinhano chekudzokera kumashure, kuti chiitiko chavo chakavandudzwa. Vanoziva, tinoziva, kuti Mwari vamire neruoko rwakatambanudzwa rwakagadzirira kugamuchira muparadzi uyu paari kudzoka. Uye avo vanga vachitsvaka rubhabhatidzo rweMweya, tinonamata, Mwari, kuti Muzadze moyo yavo nerunako rweNyu netsitsi nesimba. Zviiteiwo, Ishe.

⁵ Zvino, manheru ano, patichanamatira vanorwara, kana kuri kuda kweNyu, tinovimba kuti hapazova nemunhu ane hutera pakati pedu, manheru ano, kana shumiro papera. Dai avo vari kufa nedambudziko remoyo vapodzwa, avo vari kufa nekenza iyo vanachiremba vakarwisa nesimba vachiedza kuponesa hupenya hwavo, asi zvichiita sepasina tariro, asi Mwari, kune Bhasami muGireadhi, uye tinotenda zvikuru kuti...kuziva izvozvo, nekugoverana vimbiso dzaMwari mumwe kune mumwe.

⁶ Tinonamata kuti Mugouya pakati pedu, manheru ano, nekutenda kukuru, Ishe, zvekuti panozova nenguva huru. Uye tinonamata kuti Muve mazvirokwazvo chaizvo—chaizvo kumunhu wese manheru ano, Ishe, kuti kana tichinge tabva pano tichienda kudzimba dzedu kuti tigoti, sevaya vakabva Emausi nezuva riya, mushure mekuifa, kuvigwa, nekumuka kwaIshe wedu. Vaifunganya vari munzira, "Akanyatsomuka chaizvo here kana kuti kwete?" Asi paAkavapinza mukati, munguva yemanheru, senguva ino kana kuti kumberi zvishoma, mikova yaka... [Pane chiporofita chinopihwa—Mupepeti]

⁷ Itai rugare rweNyu netsitsi dzeNyu, O Mwari, zvive nesu uye nokutibatsira, uye mudzikinure munhu wese, Ishe, anotambudzwa. Regai Mweya Mutsvene aite basa guru raAkatumwa kuti aite pakati pedu, uye tichakotamisa misoro yedu mukuzvininipisa nemuhunyoro uye tigopa kutenda nerumbidzo kwaMuri. Tinozvikumbira nemuZita raJesu. Ameni.

⁸ Hama iyi ichangobva kuisa pano zvikumbiro zvemunamato, uye tinovimba kuti Ishe Mwari vachatipa izvi nezvizhinji zve... [Mumwe munhu anotaura kuna Hama Branham—Mupepeti] Mahengechepfu, ne...hongu.

⁹ Zvino, tinotenda mukunamatira mahengechepfu evanorwara nevanotambudzwa. Zvino, tinozvitora kubya muBhaibheri. Imwe nguva muSouth Africa, ndinotenda rimwe remabhuku, kunze uko avainawo, rine mufananidzo wawo, Ndakanga ndine masaga makuru akawanda azere nemahengechepfu, akanga atumirwa nevanhu, uye vakati, "Hama Branham vanotenda zvemweya-mweya zvakanyanya, nekuti vanonamatira...mahengechepfu." Uye zvaisava zvemweya-mweya, zvinongova muMagwaro. Uye zvino, tinocherechedza kuti—kuti izvozvo...

¹⁰ Ndinotenda kuti Pauro aitenda zvikuru zvepamavambo, ari muMagwaro, mune zvese zvaaiita. Zvino, tose tinofanira kutenda izvozvo nekuti (kutenda Bhaibheri), Mwari havaizobvumira murume uyu kunyora Bhaibheri, ma—mabhuku ari muBhaibheri zvaakaita. Ndinotenda kuti Pauro weTestamende Itsva aiva saMosesi weYekare. Zvino, Pauro akanga ari muporofita mu—mumishinari kune veMarudzi. Zvino, tiri kuvimba kuti, mune izvi, kuti vanhu vachanzwisia kuti Pauro...

¹¹ Zvino pandinofunga kuti akazvigamuchira, kuti... Munoziva Eria, imwe nguva, muporofita mukuru waShe, mumwe mukadzi muShunemi akafirwa nemwana, zvino saka akauya kuna Eria ndokumubvunza nezvemwana, zvino akati, "Tora tsvimbo iyi," kuna Gehazi, muranda wake, "enda unoisa pamwana." Uye ndinotenda kuti ndizvo izvo...uko Pauro akawana pfungwa yekuisa mahengechepfu, nekuti Eria aiziva kuti chero chipi chaabata chainge chakaropafadzwa, kana bedzi akangokwanisa kuita kuti mudzimai uyu atende zvimwe chetezvo. Asi kutenda kwemudzimai kwakanga kusiri mune zvaakabata; kwaiva mumuporofita wacho.

¹² Zvino tinoona kuti munguva yaPauro vakatora mahengechepfu nemaapuroni, vanhu, kutenda kukuru, vakatenda, uye vakaisa mahengechepfu aya nemaapuroni pamusoro pevanhu, uye mweya yakaipa ikabuda mavari, zvino ivo ndokupodzwa.

¹³ Zvino, tinoziva kuti Pauro akaenda kare-kare, asi Mweya Mutsvene uchiri pano. Zvinongova... Havaremekedzi munhu, uye Vanopa vanhu nyasha pakati pevanhu, vashumiri, kutenda kuti murume uyu, chimwe chinhu pamusoro pake chinoratidza kuti Mwari vane mufundisi iyeye, uye vozvitenda izvozvo. Zvino vose vanhu vanotenda Vhangeri rakazara, vanotora mahengechepfu, maapuroni, nezvimwe zvakadaro kubva pamitumbi yavo uye voaisa pamusoro pevanorwara nevanotambudzwa, uye vanopora. Zvino tine kubudirira kunotodarika neizvozvo kupfuura chero chinhu nazvino chati...

¹⁴ Pano imwe nguva yakapfuura, mumwe mudzimai mudiki wechiJerimani, ndinoatumira kunze ari muzviuru, zvino iye akagamuchira rimwe rawo, ndokuti vavakidzani vake vapinde. Akanga asina mufundisi, saka akaita kuti vavakidzani vauye kuzonamata, zvino akareurura kukanganisa kwake kwese. Pane chinhu chimwe chete chaunofanira kuita, kugadzirisa zvinhu naMwari, nekuti dambudziko racho rinogona kunge riri pauri nechikonzero ichocco, uye nokudaro, kuti rikuunze kuna Mwari, saka reurura zvivi zvako zvese. Zvino paakadaro akaiisa paari.

¹⁵ Ainge akaremara nearthritis kweangaite makore 20, uye akati, "Zvakanaka, iwe mudhara dhiyabhare, zvino mabasa aitwa, saka ibvapo, zvino ndouya." Akanyatsosimuka ndokufamba achibva pawiricheya, zvinongova nyore saizvozvo. Maona? Akati, "Zvakanaka, zvinhu zvose zvapera zvino, mabasa ose apera, saka chingosimuka ufambe uchienda." Ndiyo nzira yatinofanira kuzvitenda nayo, nenzira iyoyo bedzi, zvingori nyore sezvatingagona.

¹⁶ Isu... Vanhu mazuva ano vanoita kuti Vhangeri rive rakanyanya kuomarara kuwanhu. Maona? Ndicho chakagara chiri chikonzero sei richienda nepamusoro pevanhuwo zvavo. Uye Evhangeri rakatumirwa kuna vose, asi kazhinji vanhuwo zvavo ndivo vanorinzwa. Ruka akati, "Vanhuwo zvavo vakanzwa Jesu nemufaro," vanhuwo zvavo.

¹⁷ Zvino saka Mwari vanoriita kuti ringe riri nyore kwazvo, Vakati muna Isaya, "Kunyange benzi harifanire kukanganisa munzira." Saka hatidi kuriita kuti riome; riri nyore, hunyoro hwekuritenda, kungova nokutenda. Usabva pariri, nyatsogara naro, zvino Mwari vachagadzirisa zvime zvachozvose.

¹⁸ Zvino, husiku hwapfuura ndakakunonotsai. Ndichaedza, manheru ano, kunamatira vanorwara, uye ndinofunga kuti Billy andiudza, nguva shoma yapfuura, kuti apa chitsamba chemakadhi ekunamatirwa kuwanhu. Chikonzero tichidaro ndecekuti tivachengete vari mumutsara, kuti ndian i anokwanisa kuuya uye ndiani asingakwanisi, uye mumwe nemumwe anowana kadhi anokwanisa, anogona kuuya kupuratifomu. Asi chero ani zvake akambopinda mumusangano

anoziva kuti panoita 5 vanopodzwa muungano poita 1 anopodzwa papuratifomu. Vatogara vakawanda vari muungano, kutenda.

¹⁹ Zvino, vanhu vazhinji vanoda kuti uise maoko pamusoro pavo, zvakanaka chose, iGwaro. Jesu akati, "Zviratidzo izvi zvichatevera avo vanotenda; kana vakaisa maoko pamusoro pevanorwara vachapora." Zvino, ndiro—ndiro Shoko raMwari, saka tinozvitenda. Zvino, asi makacherechedza here, izvi zvainge zvakarerekera kutsika yechiJudha, zvakanga zvisina kudaro neMarudzi.

²⁰ Zvino, mwanasikana waJairosi paakanga avete ave pedyo nekufa, vakatumira Ishe Jesu, zvino paAka... vari munzira yaKe kuendako musikana ndokufa, zvichida murwendo rwaKe kubva kumahombekombe egungwa kusvika kumba kwacho, zvino mumhanyi akaya, akati, "MusaVanetsa, atofa kare."

²¹ Zvino tarisai zvakataurwa naJairosi, akati, "Mwanasikana wangu ave pachinhano chekufa. Asi huyai muise maoko eNyu pamusoro pake uye achaita zvakanaka. Achapodzwa." ChiJudha ichocco, nekuti akanga ari mudzidzisi, rabhi.

²² Asi makacherechedza here muRoma, weMarudzi? Jesu paakaya kuzopodza muranda wake, akati, "Handina kukodzera kuti Muuye pasi pedenga remba yangu." Uye akati, "Chingo... Ndiri munhu ane masimba," akati, "ndinoti kumunhu *uyu*, 'Enda,' uye anoenda; kumunhu *uyu*, 'Huya,' zvino anouya." Munoona, aitaura kuna Jesu kuti akamucherechedza pachaKe, Kristu, kuva nesimba pamusoro pezvirwere zvose, sezvaaiva nesimba pamusoro pevarume 100 vaiva pasi pake. Maona? "Ndiri munhu ane masimba zvakarewo, uye ndinoti kumunhu *uyu*, ari pasi pesimba rangu, 'Iwe huya,' kana kuti 'Iwe enda,' uye anozviita. Ingotaurai Shoko chete, muranda wangu achararama." Ndizvozvo.

Makacherechedza here zvakataurwa naTenzi wedu? Akatendeuka, akati, "Handisati ndaona kutenda kwakadaro mulIsraeri." Maona? maona?

²³ "Ingotaurai Shoko, ndizvo chete zvaunofanira kuita," nekuti aiziva kuti hurwere hwese, uye kutambudzwa kwese, nezvinhu zvese zvakanga zviri pasi pesimba raKristu, chaAnongofanira kuita bedzi kutaura Shoko.

Zvino Akatumira Shoko raKe ndokuvapodza. Maona? Saka tinoziva kuti tinoda Shoko raKe. IShoko, rinotisunungura.

²⁴ Zvino, manheru ano, kana muchichengeta zvinyorwa, ndinoda kupa nhoyo diki. Husiku hwapfuura, chikonzero ndisina kunamatira vanorwara nezuro manheru, chekutanga, handina kuziva kana vaitendera kunamatira vanorwara muchechi muno, kana kuti kwete. Ndaiziva kuti vaidaro muchechi, boka rehama vaiutsigira nemari, asi vaidaro muchechi, uye ndinoda kuchenjerera zvikuru kuti ndirege kuita

chinhu chinounza chigumbuso kana chidziviso. Ndinongoda kuita sezvandinofunga kuti ndicho chinhu chakanaka kuita. Uye zvakare ini—zvakare ini ndakaona vose vairwara nevanotambudzwa, zvino imwe hama ndokuti chokwadi, vanozvitenda.

²⁵ Nhasi, ndazokaruka ndaziva Open Bible church iyi kuti, ini zvangu, shamwari dzakadaro dzinoshamisa dzandinadzo muchechi iyoyo; Hama Mitchell vaiva mumwe wavo. Humwe husiku taiva nemusangano kuchechi yaHama Mitchell, zvino mukuwasha wavo akanga asina Mweya Mutsvene, Ndakanga ndisingazine mukuwasha wavo, kana mwanasikana wavo, zvino akanga aripo, uye akanga asingabereke, akanga asina vana. Ndichiri kutaura, Mweya Mutsvene wakataura kumusikana uyu ndokuti, “ZVANZI NAJEHOVHA, ‘Uchava nemwana,’ uye murume wako akagara kunze uko, ZVANZI NAJEHOVHA, ‘Anogamuchira Mweya Mutsvene,’” akagamuchira Mweya Mutsvene. Husiku ihwohwo mushure meshumiro, Hama Bryant vakanga vasati vambova nevana ipapo, saka vakatanga kuvadana kuti, “Asekuru,” mumwedzi 9, mwana wacho ndokuyua.

²⁶ Saka, haUna kumbobvira wakakundika. Imi Utarisei, paUnotaura kudaro, zvakatokwana saizvozvo. Ndine makore 53 okuberekwa, ndakaona zviratidzo kubva ndichiri kakomana kadiki chaizvo, handisati ndamboona chimwe chazvo chichikundika, uye hachigone kukundika. Mwari havagone kukundika, ndicho chinhu chimwe chete Mwari chavasingagone kuita, haVagone kukundika, uye haVatombogona, nekuti NdiMwari.

²⁷ Uye zvino tinoda kuverenga Shoko, pano apa, muBhaibheri, nekuti ndinoziva kuti mashoko angu ishoko remunhu, *Aya Mashoko aMwari*, naizvozvo haRikundike. Uye zvino, manheru ano, pakuverenga Gwaro diki ndinoda kutora nzvimbo dzakati kuti. Kutanga, ndinoda kuverenga kubva...setsika yemazuva ese zvino, ingori nzira yekuverenga, neshumiro yemazuva ese kuita sekuipa hwaro.

²⁸ Mharidzo, kana ukasanzwisa nyaya yacho, chingo... iwe—iwe unofanira kuva nekutenda. Pane nzira imwe chete yekupodzwa kana kuponeswa nayo, zvino kubudikidza nekutenda. Manyawi ako, iwayo haakuponese, pfungwa dzako, hadzikuponese, kunofanirwa kunge kuri kutenda. Uye kutenda hakudaro, hakugone, hakumbofa kwakakundika kana uchinyatsozvitenda.

²⁹ Zvino, zvaipira kuti hatina kana mwedzi zvawo muno muguta, mune imwewo odhitoriyamu, kwekuti tikangotora mharidzo dzekutenda, tovakira vanhu kune izvozvo, torega vanhu vose ava vanorwara vari mose muchivakwa pano, vagere pano, tovarega vachiuya, takatarisa husiku mushure

mehusiku, toona zvinoitika, takatarisira kutenda kusvikira chimwe chinhu chanyatsobata, vobva vachiwana. Kana iko... kana kutenda kwabata, kuripo zvekutogara, hakuzombofa kwakazungunutswa. Hapana chinhu chingambozungunutsa kutenda.

³⁰ Ndinoona mumutsara wekunamatirwa vangangoita 99 kubva mu 100 yoga-yoga vanouya papuratifomu... Oo, ndakanza vanhu vachiti, "Oo, Hama Branham, ndinako kutenda kwese." Zvino vari kuitei kumusoro ikoko? Maona? Maona? Munona, imi... itariro panzvimbos yekutenda. Maona? Kana kuri kutenda, unoziva chimwe chinhu, kunongova mazvirokwazvo, kana wakagara pano, kunotova mazvirokwazvo kupfuura kugara kwawakaita pano.

³¹ Ipfungwa yechi 6, pfungwa 5 hadzikubate, ipfungwa yechi 6. Pfungwa 5 hadziratidze kutenda zvachose, ipfungwa yechi 6, uye pfungwa yechi 6 ndiyo inoratidza nhumbi dzose dzokurwa nadzo dzaMwari. Uye nhumbi dzose dzokurwa nadzo dzaMwari hadzisi chinhu chekuti... imwe yepfungwa 5 idzi ingaratidza. Munozvitenda here?

³² Tarisai: Kutenda, rudo, mufaro, rugare, moyo murefu, hunyoro, kupfava, kutsungirira, ndiani angazvizivisa neimwe yesainzi dzenyu? Haukwanisi kuzviita. Kutenda, pfungwa yechi 6 inobuda yonozviratidza, "Ndirwo rubatso rwezvinhu zvatnotarisira, humbowo hwezvinhu zvisingaoneki." Haukuone, kukuravira, kukunzwa nekugunzva, kukunhuwidza, kana kukunzwa nenzeve; unoita kwekutenda. Ndizvozvo chaizvo.

³³ Uye zvino, toti ndanga ndiri kufa, uye iwe... rofu rechingwa raizoponesa hupenu hwangu, uye rofu rechingwa chichiita 25 senzi, zvino iwe wondipa mari inotenga rofu rechingwa, 25 senzi? Ndaitofara chose ne25 senzi iyoyo sekunge... uye ndopembera sezwandaizongoita chaizvo ndiine chingwa mune rumwe ruoko, nekuti ndawana mari inokwana kutenga chingwa. Uye kana uine kutenda, uye zvisinei kuti chinhu chacho chinotora nguva yakareba sei kuti chiitike, unacho. Ndizvo zvoga. Maona? Kuchatenga izvo zvauri kukumbira.

³⁴ Oo, ndinoshuva kuti dai tangowana zvakawanda kudaro ipapo, kana ukangokwanisa, iwe, kana ukangobata zvakawanda zvakadaro. Kwete kutenda kwemupfungwa, asi kunobva pamoyo, zvino hapana munhu, hapana chero kipi zvako, angambokuzunungutsa kubva pakuri. Kana chimwe chinhu chanyatsobata, zvatoringana, hawaikwanisa kuzviramba sekusaramba kwaungaita kuti iwe uri munhu. Maona? Chinongova chikamu chemazvirokwazvo. Tinofanira kuzvitenda.

³⁵ Zvino, ndinoda kutaura izvi, kuti handisi mupodzi Mutsvene, vanhu vanondidaidza saizvozvo, asi handisi; hakuna

munhu ari mupodzi. Kana pakauya munhu pano achiti mupodzi, imi tarisisai munhu iyeye, pane chinhu chakatsveyama. Uyewo handisi Muponesi, ndaigona kuva Mu—Mu—Muponesi zvimwe chete sezvandingava mupodzi, nekuti “iYe,” Kristu, “*akakuvaldzwa* nekuda kwekudarika kwedu, namavanga aKe *takapodzwa*,” inguva yakapfuura.

³⁶ Chivi chese chiri munyika chakaregererwa pakafa Kristu paKarivhari. Munozvitenda here izvozvo? Pane Ropa reyananiso paartari re—rezvivi zvenyika, asi haimbofa yakakubatsira kusvikira waigamuchira nekuipupura. Uye haAmbogoni kushanda pairi kusvikira watanga wazvitaura, uye woigamuchira nekutenda, zvino ndiYe Muprisita Mukuru anoreverera pakupupura kwedu. Munoona, haAkwanise kufamba, iYe—iYe akasungwa, hapana zvaAnogona kuita, kusvikira watanga waigamuchira uye waipupura uye kubva pamwoyo wako uchiitenda, zvino inobva yaMubata, uye zvadaro Anogona kuenda kunoshanda pairi nekukureverera. Hezvoka izvo.

³⁷ Saka zvino, mumwe munhu akati, “Ndine kupodza mumaoko angu. Ndine kupodza...” Oo, manjeka, kana kuri muruoko rwako, zvino chii chakaitika kuKarivhari? Chii chakaitika kuRopa raIshe Jesu? Kana kukwizira mafuta, kana—kana ropa, kana utsi, moto, chero zvazvingava, kuriko kupodza, zvino chii chakaitika kuKarivhari? Chii chakaitika kuRopa raJesu Kristu?

³⁸ Ndosaka vanhu vakavhiringika kwazvo. Dai vaikwanisa chete kumira zvishoma kuti vacherechedze kuti pane...kuti chenhema zvirokwazvo chiripo kungoratidza chete kuti kune chechokwadi. Asi vanhu vanongo...havazivi nzira yekuenda nayo. Pane zvakawanda zvakabuda zviri muZita re “Mweya Mutsvene,” pakava nezvakawanda zvakabuda zviri muzita re “kupodza kwaMwari,” kusvikira vanhu vane mafungiro kwawo, haungambovapa mhosva zvachose pavanotya. Asi rangerira, shamwari, sekungovapo kwechinhu chisina kunaka, panofanirwa kuva nechimwe chakanaka.

³⁹ Asi chivi chii—chii? Kusatenda. Kururama chii? Kutenda. Zvino chivi kunongova kururama kwakatsveyamiswa. Nhema chii? Ichokwadi chataurwa nenzira isiriyo. Ko hupombwe chii? Chiito chakanaka chaitwa nenzira isiri iyo.

⁴⁰ Munoona, zvinhu zvose...Pane zvinhu 2 chete, ndeicho chakanaka nechakaipa. Zvino Satani haasi musiki, panongova neMusiki 1 chete, ndiMwari. Satani anotsveyamisa zvakasikwa naMwari. Asi chero bedzi uchiva nekutenda muMusiki, maAri, Mwari vanochidzosa panzvimbio yacho chaiyo.

⁴¹ Ko kana paive nedzinde rechibage raikura uye paine vhinga rirere pariri? Raizokura rakakombama. Nhonga, bvisa chimhingamupinyi chose chiri kuritadzisa, uye—uye

zuva, rarakatarisa kumusoro, rinozopedzisira rakudza dzinde rechibage iri rakatwasuka chaiko zvakare. Ukadzinga mweya wetsvina, vanhu vanobva vati, "Haa, hapana kana chaitika kwandiri." Iwe—iwe unodzokera kukura wakatwasuka, kana uchitenda izvozvo, uye uchiziva kuti chimwe chinhu chaitika kwauri, hapana chinokutadzisa kutwasanuka uchidzokera chaipo zvakare. Ingobatirira pazviri.

⁴² Sezvakangoita zuva, zuva ndiro...rine simba pamusoro pezvese zvinomera. Z-u-v-a rine simba pamusoro pezvose zvinomera. Kana nguva yepfumvudza yasvika, kambeu kadiki kaya kari muvhу, haukwanise kukavanza. Zvisinei, kuti waisa dombo pamusoro pako, kachazvigadzirira nzira yako yekubuda kubva pasi chaipo pekongiri iyoyo, uye kosimudza musoro wako, nekurumbidza Mwari, hupenyu. Chokwadi. Ndosaka unogona kuviga mugungwa, unogona kupisa mutumbi wako kuita madota, asi ucha, zvisinei nezvavangaita kwauri, uchamuka zvakare.

⁴³ Huswa hwenyu hwakawandisa huripi—huripi mupfumvudza, kana mukaisa...kongiri yenu, bhuro-... matombo pamusoro pahwo? Kumucheto chaiko kwekanzira kenyu kekufamba. Sei? Hupenyu hwese ihwohwo huri pasi ipapo. Zuva iroro parinotanga kupenyera pasi, kunyange huri pasi pekongiri, hunofanira kuwana nzira yahwo yekubuda nayo kunze, hwosimudza musoro wahwo, uye worumbidza Mwari. Sechokwadi chekuti zuva iroro rinotanga kuhurova, huri kubuda. Ndizvozvo chaizvo.

⁴⁴ Uye sechokwadi zviri M-w-a-n-a-k-o-m-a-n-a, Ane simba pamusoro peHupenyu Husingaperi hwose, kana Akarova Mbeu ine hupenyu iyoyo, yakafanotemerwa, chimwe chinhu chinoitika, Inobata, uye ipapo Inobata ipapo, yoruka nzira yaYo nemuchipingaidzo chese chiripo, pakupedzisira Inosimudza musoro waYo mudenga uye yoti, "Mwari ngavarumbidzwe, ndaiziva kuti zvaiva saizvozvo." Ndizvozvo. Ndiko kutenda. Zvitende. Usangoite kutenda kwekabanga, iva mutendi, wechokwadi.

⁴⁵ Ndizvo zvandakadanira kuartari kutanga, manheru apfuura, tisati tatanga mutsara wekunamatira. Tingadai takava nemutsara wekunamatira manheru apfuura, asi taiva nevanhu paartari, tinofanira kuti nheyo iiswe kutanga.

⁴⁶ Unofanirwa kusvetuka uye wobva wanoti dzvii chimwe chinhu, ndiyo nzira yemuAmerica yekuzviita nayo, nyatsoti dzvii setsoko iri kunhanhvira chese-chese chinovaima. Ngatidzokerei, tisvike pahwaro hweEvhangeri, Kristu, uye ipapo, pamusoro peDombo iroro, vakira kutenda kwako, pana Kristu, kwete pamusoro pedzimwe ngano dzemumwewo muchinda ari kuuya kuno, nekushamisira paruzhinji, nekuenderera. Dzokai kuShoko iroro, uye mogara ipapo

paShoko iroro, uye musa—musasiye Shoko iroro, kana zvichipesana neShoko, zviregei zvakadaro, kana zviri muShoko, zvitendei.

⁴⁷ Uye iDzidziso yeBhaibheri, kupodza kwaMwari, ine musoro, yakadzikama. Kana pasina kupodza kwaMwari... Ndirwo rubatso rwerumuko rwedru. Ndakaona mumvuri wemurume ari kuwa nekenza yesarcoma achipodzwa zvakakwana. Ndakaona vanhu vakange vafa, nechinyorwa chanachiremba chatonyorwa, vange vatofa kwemaawa 24 uye vachimuka kuhupenyu zvakare. Ndinogona kuzviratidza izvozvo nezvinyorwa zvachiremba. Maona? Ndinoziva kuti ndezvemazyirokawazvo. Mwari ndiMwari, haVagoni kukundika. Shoko raVo ndere chokwadi, asi unofanira kuRitenda, kwete kungoRifungidzira, Ritende.

⁴⁸ Zvino, nguva yakawanda kwazvo ingatopfuura ndichitaura nemi, handingazombosvika kuchidzidzo changu. Uye zvino tinoda... Kana mukandiwana ndichitaura chero chinhu, ndichidzidzisa chero chinhu chisiri muMagwaro, mune mungava kwandiri kuti mundiudze nezvacho. Hongu changamire, zvinofanira kubva muBhaibheri iri. Inofanira kuva vimbiso yaMwari. Uye tobva taziva kuti ipapo...

⁴⁹ Mumwe chiremba akandiudza, imwe nguva, murume akanaka, ndaishuva kuti dai ndanga ndine nguva, ndokuudzai nyaya yake, yekutendeuka kwaakaita, asi akati, "Oo, ndinotenda izvi, Billy, kana mumwe munhu akakwanisa kubata bango iro, kunze uko, obva atenda, vaizopora, avo vanozvitenda."

⁵⁰ Ndakati, "Chiremba, ndiani angava nekutenda mukubata pabango? Kutenda haisi ngano. Kunofanira kunge kwakazorora pane chimwe chinhu. Chii chimwe chaZiyendanakuenda chinopfuura Shoko raMwari?"

⁵¹ Semuchinda mutana wechitema zasi kumawodzanyemba, akati, "Ndingasva hangu ndamira paBhaibheri pane kumira Kudenga." Mukuru wake pabasa akamubvunza kuti sei. Akati, "Handiti, Bhaibheri rakati, 'Denga nenyika zvichapfuura, Shoko raNgu harizopfuu.'" Saka kana Denga nenyika zvaenda, anenge achiripo nekuti amire paShoko. Uye ndizvo chete, kumira paShoko, iRo ichokwadi, Mwari vakaRitura. Hapana rimwe, hapana chimwezve chiru munyika chichatora nzvimbo yaRo. Hapana masangkano, hapana sangano, hapana chii zvacho chinogona kutora nzvimbo yeShoko raMwari. Uye chero chii zvacho chinopesana naRo chakatsveyama pamafungiro angu.

⁵² Zvino, ngativerengei pano zvino, muBhaibheri redu rinokosha, kubva muna Mutsvene Johane chitsauko 12 nendima 20. Zvino ndinoda kutora VaHebheru 13:8 kutsigira zvishoma, uye ndiro dingindira rembuserere nguva dzose. Zvino, muna Mutsvene Johane chitsauko 12, ndima 20... Zvino, kazhinji manheru ekutanga kusati kwava nekunamatira vanorwara,

ndinosvika pachidzidzo ichi, uye nguva imwe neimwe ndinoedza kuwana yakati siyanei zvishoma.

Zvino kwaiva navamwe vaGiriki pakati peavo vakanga wakwira kumutambo kundonamata:

Vamwe chetevo vakauya kuna Firipi, uyo aiva weBhetisaidha reGarirea, uye vakakumbira kwaari, vachiti, Changamire, tinodawo kuona Jesu.

Firipi akauya akandoudza Andrea: uye zvakare Andrea...akuudza Jesu.

⁵³ Uye muna VaHebheru 13:8, Bhaibheri rakataura, muchitsauko 13 chaVaHebheru uye ndi—ndima 8, kuti:

Jesu Kristu mumwe chete zuro,...nhasi, nokusingaperi.

⁵⁴ Zvino, tinoda kusvika kumubvunzo uyu. Uye zvino, ndi—ndi—ndinovimba handitori nguva yakawandisa kune vanhu ava vanonzwisa urombo vari kutambudzika vagere pano mumawiricheya, nenhowo, nemasitirecha, uye—uye vari muchimiro chakashata, vakaremara saizvozvo. Asi rangarirai, kuti vari...Zvichida vanhu ava vanogona kurarama hupenyu hwemazuva ese vakaremara, asi panogona kunge paine murume akagara kunze uko ane dambudziko remoyo uye asingavivive, anogonawo kuwana kwake iko zvino, kana kuti anofa manheru ano. Maona? Hativive. Ngatingoitai kuti Gwaro rinyatsojeka uye rive pachena, kana tichikwanisa, nerubatsiro rwaMwari, kuti tikwanise ku—kubatsira boka rose kuwana...kuona zvatiri kutaura nezvazvo.

Zvino, ndine Magwaro mashoma, akanyorwa pano, andinoda kutaura nezvawo, uye zvino, ndinoda kuti munamate pamwe nenii ndichidaro.

⁵⁵ Zvino, mubvunzo hoyo...Semumishinari, ndakava nechiitiko chekusangana nemhando dzese dzezvinamato. Ndakavaraidzwa, nguva pfupi yadarika, muBombay, India, nemhando 17 dzakasiyana dzezvinamato, uye chimwe nechimwe chazvo chairamba Kristu naMwari. Maona? Rinongova—rinongova boka duku ravo. Maona? Uye kune marudzi ose ezmwari, marudzi ose ezhinhu zvose. Ndosaka ndisingakwanise...Handizive kuti sei isu muAmerica, pasi paMwari mumwe, tiine chechi pakona yega-yega saizvozvo, hatigone kuuya pamwe chete, tova nekuyanana? Handitongozvinzwisise. Ndinogona kunzwisisa vanhu ivavo, mumwe—mumwe mwari akasiyana. Asi ko isu? Maona?

⁵⁶ Zvino, uye mumwe nemumwe ane pfungwa yake isinganzwisisike. Asi mumwe nemumwe wavo, vavambi vavo vakanga vari varume vakarama uye vakafa vakavigwa uye vachirimo. Asi pane chimwe chete chazvo chinova chechokwadi, zvino ndicho Chikristu. Nokuti Muvambi weChikristu

akararama, akafa, uye akamukazve, kuti aratidze kuti iYe akanga ari Mwari, uye mupenyu zvino kwemakore 2,000 ainesu, izvo zvinoMuita mumwe chete zuro, nhasi, nekusingaperi.

⁵⁷ Zvino, ndaverenga kubva muna Mutsvene Johane. Tichadzokera, kwekutanga kwaMutsvene Johane, uye tongotanga kutaura nezvaJesu kwechinguva chidiki uye timboona nezvaKe.

Zvino, kana ndikati kuma—maKatorike ose pano, “Chechi yenu inotenda here kuti ndiYe mumwe chete zuro, nhasi, nekusingaperi?”

“Hongu.”

⁵⁸ Lutherani, Baptisti, Pentekosti, Church of God, Assembly of God, oo, munhu wese aizoti, “Hongu, chokwadi.” Asika, pane mutsauko wakanyanya pane imwe nzvimbo, panofanirwa kunge paine chakatsveyama kana chimwe chinhu chakanaka pane imwe nzvimbo, kwandiri, dzakanyanya—dzakanyanya kupamuka-pamuka. Zvino, zvino, pane nzira imwe chete yatinogona kuziva nayo, nhasi, kana Ari nhasi mumwe chete sezvaAiva nezuro, kuona zvaAiva nezuro, uyezve tozviyedza kana Ari mumwe chete nhasi. Zvino, iYe mumwe chete zuro, nhasi, nekusingaperi.

⁵⁹ Zvino, maGiriki aya akauya kuna Ishe Jesu, kana kuti, akauya kuna Firipi weBhetisaidha, ivo—ivo pachavo vaida kuziva. Vakanga vanzwa nezvaJesu zvino vaida kuMuona. Zvino, pane chitaurwa chekare chekuti, “Ini ndinobva kuMissouri, ndiratidze.” Zvino, maGiriki aya anga akada kuita saizvozvo, isu... vaida kuMuona.

⁶⁰ Handitendi kuti pane munhu akambonzwa Zita raKe rinoshamisa richitaurwa asingade kuMuona. Ndinotenda kana ndikati, manheru ano, muungano ino, “Vangani venyu vanoda kuona Jesu?” Mumwe nemumwe wenyu aizosimudza ruoko rwake. Ndizvo here? Mumwe nemumwe wedu anoda kuMuona, kwese-kwese. Saka zvino, Magwaro haanyepe, uye kana maGiriki aya akawana chikumbiro chawo chekuti vaMuone, zvino tingatadza sei, kana iYe ari mumwe chete? Zvino, chimbozvifungai.

Ndiri kuzo, tora nguva yangu. Handisi kuda kuti muhute-hute, chingogarai makanyarara zvishoma mozvifunganya, patinenge tichitaura.

⁶¹ Zvino, kana Ari mumwe chete (Uye Mwari vandiregerere nekushandisa shoko iroro kuratidza pfungwa yacho, *kana Ari. Tinoziva!*), zvino, zvino tingatadza nei kuMuona kana ivo vakakwanisa kuMuona? Zvino, ndiYe mumwe chete zuro, nhasi, nekusingaperi. Zvino, nzira chete yatinogona kuona nayo kuti zvatiri ndizvo here kana kuti kwete ndeyekudzokera kunoona zvaAiva nezuro, uye zvakare ndiYe mumwe chete nhasi, uye acharamba ari nekusingaperi.

⁶² Zvino, kana muchiziva pakaitwa chirevo ichi, chakaitwa muTestamende Itsva, aiva Pauro, tinotenda, achinyora Bhuku raVaHebheru kuvaHebheru, achipatsanura murairo kubva kunyasha. Uye tinoona pano kuti akati, “Jesu Kristu mumwe chete zuro,” muTestamende Yekare, “nhasi, nekusingaperi,” mumwe chete. Saka zvino, ndinotenda kuti muTestamende Yekare akanga achingori Jesu Kristu, Ndinotenda kuti Shongwe yeMoto yakatevera . . . yakatungamirira Israeri nemurenje aiva Kristu, Bhaibheri rakati Aiva. Mudzidzisi upi zvake anoziva kuti ndiYe Mutumwa weSungano, aive Kristu.

⁶³ Uye zvakare Jesu paaiva pano panyika Akati, “Kwechinguvana, uye nyika haichazoNdioni zvachose; asi imi muchaNdiona. Ndinobva kuna Mwari, uye Ndinoenda kuna Mwari.” Uye mushuremekunge Shongwe yeMoto iyoyo yaitwa nyama, muchimiro chemunhu, Mwanakomana waMwari, akagara pakati pedu, akaZviratidza uye akaratidza Mwari, nekuti Akanga ari kuratidzwa kwaMwari munyama, “Mwari vakanga vari muna Kristu, vachiyananisa nyika kwaVari,” zvino mushuremekufa kwaKe, kuvigwa, rumuko, nekukwira kudenga Sauro weTaso akanga ari munzira, achidzika kuDhamasiko, kundosunga vanhu vaya vakanga vava maPentekosti, zvino ari munzira yake achidzika akarohwa neChiedza chikuru, Shongwe yeMoto imwe chete, yakadzokera kuna Mwari, yakabva kuna Mwari, ikadzokera kuna Mwari, Uye Akati, “Sauro, Sauro, unoNditambudzireiko?”

Akati, “Ndimi Aniko, Ishe?”

Akati, “Ndini Jesu,” munoona, “uye zvinokuomera kuti ukave zvibayiso.”

⁶⁴ Zvino, kuti tidzokere kunoongorora, tinoona kuti . . . ticha—tichaisa hwaro mukufamba kwvhiki zvakati wedzerei, towedzera kuzvijekesa. (Asi ini—ini—ini handina kuisa aramu pawachi yangu manheru ano, ndakatarisa wachi iyo apo.) Saka tichaedza kuzvisiya zvakadaro.

⁶⁵ Zvino, Akanga ari muTestamende Yekare Shongwe yeMoto, Akanga ari panyika ari Mwanakomana waMwari akaratidzwa, Mwari mumwe chete, ari munyama, uye zvino Ari muchimiro cheMweya Mutsvene, Mwari mumwe chete mumahofisi 3, Baba, Mwanakomana neMweya Mutsvene, achiZviita. . . Ndicho chikonzero Mateo akati, “Bhabhatidzai muZita raBaba, Mwanakomana, neMweya Mutsvene.” Hwaiva huBaba, huMwanakomana, neMweya Mutsvene, Mwari mumwe chete achishandisa mahofisi 3 akasiyana, Mwari vachiburuka.

⁶⁶ Mwari, vatsvene, havaigona kuuya pane chivi. Zvakanaka. “Kunyange mhu—mhuka ikagunzva gomo inofanira kubayiwa.” Kudengenyeka kwakanga kuri kukuru kwazvo kusvikira vakadanidzira vachiti, “Regai Mosesi ataure kwete Mwari,” nekuti chivi chaiva chakashata. Ndokubva Mwari, vakaitwa

nyama pakati pedu, vakashanda nesu, Timotio Wekutanga 3:16, “Pasina gakava chakavanzika chehumwari chikuru, nekuti Mwari vakaratidzwa munyama,” havoka paVakanga vari munyama, vachiZvizivisa, vari pedyo zvishoma kwatiri.

⁶⁷ Zvino, chii...Vakafa kuti vagodzakinura Chechi nevose vakanga vari maAri. Zvino, Vakauya muchimiro cheMweya Mutsvene, Mwari vari pamusoro pedu, Mwari vanesu, Mwari vari matiri. Maona? Mwari vari matiri, vamwe chete zuro, nhasi, nekusingaperi, Mweya Mutsvene uchishanda, uchiita, uchipedzisa mabasa aKristu, aiva muna Kristu. Zvino, rangerirai, zvose zvakanga zviri Mwari Vakazvidurura muMwanakomana waVo, Jesu Kristu, uye zvose izvo Kristu aiva Akazvidurura muChechi yaKe, munoono, zvinoita Kristu mumwe chete zuro, nhasi, nokusingaperi.

⁶⁸ Zvino, cherechedzai, ngationei zvaAimbova. Zvino, “Pakutanga...” 1...Johane chitsauko 1. Tichagara muna Johane manheru ano. Mangwana manheru tichapinda mune zvimwe, zviverengwa nezvimwe zvakadaro, mumwe munyori, imwewo nzvimbo muBhaibheri. Asi cherechedzai, zvino, muzvinyorwa zvaJohane, zvinotangira kumashure kuno, “Pakutanga kwakanga kuine Shoko.”

⁶⁹ Zvino, shoko chii? Shoko ipfungwa yaratidzwa, unofanira kuzvifunga usati wazvitura. Ndicho chikonzero Jesu akati kuvaFarisei, “Imi vanyengeri, mungataura zvakanaka sei, uye apo...kuNdidaidza kuti ndakanaka...?” nezvimwe zvakadaro, Achiziva zvake kuti mumwoyo yavo vaiMufungira zvakaipa.

⁷⁰ Akati, “Kubva mumoyo...mu—mu—muromo unotaura zvinobva pamoyo.” Kana ukasadaro, zvino i—ipfungwa dzako dziri kuzviratidza, uye iwe uchitaura chimwewo chinhu, saka hunyengeri, hazvisi kubva pamoyo wako.

⁷¹ Saka “Pakutanga Shoko rakanga riripo, uye Shoko rakanga riri kuna Mwari, uye Shoko rakanga riri Mwari,” Rakanga risati raratidzwa. “Uye Shoko rakazoitwa nyama, ndokugara pakati pedu,” Shoko, Kristu iShoko. Zvino, paAkauya panyika... Pakutanga kwakanga kune Shoko, uye, Shoko riri pfungwa, ndokubva Shoko, parakangoratidzwa muEdheni, Rakazova mazvirokwazvo.

⁷² Mwari havakwanisi kutaura chero chinhu vobva vaChidzora. Ndiko kusaka tichiisa tariro yedu—yedu pana Mwari, nekuti zvavari Mwari vasina magumo, haVashanduke. Kana ndikakwanisa kutaura chimwe chinhu nhasi, mangwana ndinogona kufunga zvakatosiyana. Gore rinotevera ndinogona kunge ndachenjera zvakawedzera, uye ndichigona kufunga zvakasiyana, iwe unogona kudaro; asi kwete Mwari, sarudzo yese zvayo yakakwana. Kana Mwari vangotaura chimwe chinhu, ndechaZiyendanakuenda saizvozvo, hachigone kushandurwa.

⁷³ Uye zvino, Mwari... Ndicho chikonzero Jesu aiva Gwayana raMwari, rakaurayiwa nyika isati yavambwa, nekuti rakanga riri mundangariro dzaMwari, uye Shoko parakaratidzwa, Rakabva rava nyama ndokugara pakati pedu. Oo, ndinozvida izvi, zvinondipa tariro yakadaro. Ndi—ndi—ndinozvida nekuti zvinopa kusimbisa kuti Mwari mukuru asina magumo, watinoshumira, akaziva zvinhu zvose uye akatiziva nyika isati yambosikwa. Zvinobwinya zvakadii izvozvo!

⁷⁴ Vanhu vanotya. Ko unotyei? “Avo vaAkafanoziva, Akavadana; avo vaAkadana, Akavaruramisa; avo vaAkaruramisa, Akatovabwinyisa kare.” Ko unotyei? Ingobata panaMwari sezvinoita vana vadiki, wobatirira paRiri, uye wotenda panaMwari Baba vako, Vanokuda, Vakaita zvose zvaVanogona kuita kuti vakudzikinure. Iwe uri...

⁷⁵ Uye Bhaibheri rakati antikristu akanyengera vose vanogara panyika, vane mazita asina kunyorwa muBhuku reHupenyu reGwayana kubva pamavambo enyika. Mwari, nokufanoziva kwaVo, vakakuona, vakaisa zita rako muBhuku raVo, uye ndicho chikonzero uri pano manheru ano, nekuti wakapindura pakudanwa uku. Mwari vakafanokuziva uye vakakudana, uye ukagamuchira kudana kwaVo.

⁷⁶ Zvino, iwe unoti, unogona here...ini... Munhu wese anozvitsvagira ruponeso rwake nekutyu nekudedera. Ndinovimba kuti zita rangu raive pakati peiwayo, asi kana raive riri, zita rangu rakagara riri muBhuku reHupenyu, rakaiswapo nyika isati yavambwa, apo Gwayana parakabairwa ini mumufungo waMwari, Havana magumo. Iwe haungafambise bhizimu zvingori mvutymvutye, Handifambisi bhizimu rangu saizvozvo, uye haungadaro rako, Mwari havadaro raVo. Kristu akauya kuzodzakinura avo vakafanoonekwa uye nekufanozivikanwa naMwari kuti vaizouya kwaVari. Haufariwo here kuti wakauya?

⁷⁷ Uye zvino, neruremekedzo. Unoti, “Hama Branham, ndiripowo here?” Handizive, kana uri muChechi, uripo. Uye nzira imwe bedzi yekupinda nayo muChechi: “Kubudikidza neMweya mumwe, isu tose takahabhatidzwa mumutumbi mumwe,” neMweya Mutsvene. Hatiite zvekuIjoina. Kujoina chechi kwakanaka, asi ndava mumhuri yekwaBranham kwemakore 53, uye havana kumbobvira vakandikumbira kuti ndijoine mhuri iyi, ndakazvarirwamo, saka ndakava wekwaBranham nekuzvarwa. Uye ndiyo nzira iyo munhu anova Mukristu, kana azvarwa neMweya Mutsvene. Uye zvakare kana wazvarwa neMweya Mutsvene zvino unoanova, kubudikidza naKristu, wakafa muna Kristu unotora Mbeu yeHumambo yaAbrahama, uye mavva vadyi venhaka pamwe naAbrahama, maringe nevimbiso.

⁷⁸ Ko, Chechi inotyei? Ndagara ndichinetseka kuti chii chirii

kunetsa pavanhu vePentekosti. Ivo—ivo vane—ivo vane kutenda konokwana kuputitsa nyika, uye vane kutenda kwakakwana kwemhando dzose dzekupodzwa, asi vanotya kukushandisa. Ndidihiyabhire iyeye. Kana tikakwanisa kupwanya mumvuri mutema iwoyo kubva pasi pevanhu, chimwe chinhu chichaitika. Uye ndicho chinangwa changu pano.

⁷⁹ Ndinowana vanhu 2, mapoka 2, rimwe rawo ndere vanotenda zvepamavambo. Oo, vanoziva nzvimbo yavari pairi nekugamuchira Kristu, vari panzvimbo maAri, asi havana kutenda zvachose. Uye ndinoona maPentekosti, kutenda kwakawanda, asi vasingazive kuti ndivanaani. Sezvakangoita munhu ane mari mubhangwa, asingakwanise kunyora cheki, uye mumwe wacho ane...haana mari mubhangwa uye achigona kunyora cheki. Kana ukakwanisa kuunza 2 ava pamwe chete wava nechimwe chinhu. Uye kana ndikakwanisa kuita kuti vanhu vePentekosti vacherechedze kuti vanakomana nevanasikanavaMwari, vagere munzvimbo dzeKumatenga, iko zvino, muna Kristu Jesu, avo Mwari vakafanoziva nyika isati yavambwa, vakatigadza kuti tiparidze...Ko munotyei? Zvisinei kuti chii, famba kunze uko; tora Shoko raMwari woRitenda.

⁸⁰ Gara hako, mwana, zvino uti uri Mbeu yaAbrahama, apo Abrahama akadana zvinhu zvakanga zvisipo sekunge zvakanga zviripo nekuti Mwari vakataura kudaro. Murume ane makore 75 ekuberekwa, mudzimai wake ane makore 65 ekuberekwa, uye vachiti vari kuzova nemwana. Unofunga kuti vanoitei? Vakadzika zasi kuna chiremba ndokuti, “Gadzirirai zvinhu, tiri kuzova nemwana.”

Handiti, vaitoti, “Murume uyu anopenga.” Munhu wese anotora Shoko raMwari, nyika inovati vanopenga.

⁸¹ Pauro akati, “Nenzira inonzi hupenzi,” kupenga, “ndiyo nzira yandinonamata nayo Mwari wamadzibaba edu.” Ndinofera kubatana maoko naye manheru ano. Ndizvozvo chaizvo. Pauro, achinyatsotenda zvepamavambo zviri muShoko, zvakare.

⁸² Zvino, cherechedzai. Ko Aiva chii? Chero zvipi zvaAngeli, Akagara ari izvozvo uye acharamba ari izvozvo. Zvino, ndinoda kuti mucherechedze, Akanga ari Shoko, Akanga ari pfungwa yaMwari yeMudzakinuri yakaratidzwa. Ndizvo ZvachozvaAiva. Akanga ari Shoko. Uye muna VaHebheru chitsauko 4 uye ndima 12, Bhaibheri rakataura kuti “Shoko raMwari rine simba rinodarika, ibenyu, kupfuura munondo unochekeka nekumativi maviri, kunyangwe Munzveri wemifungo uye... wemoyo.” Mwari vanotoziva zviri mupfungwa dzako. Zvino, bata izvozvo. “Shoko raMwari rine simba rinodarika, rinopinza, kupfuura munondo unochekeka nekumativi maviri, uye iRo Munzveri wemifungo yemwoyo.” Ndiro Shoko iroro.

Ndicho chikonzero vakatadza kutenda Jesu, vakatadza kuMunzwisia.

⁸³ Akati kwavari, “Nzverai Magwaro, ndiWo aCho anopupura nezvaNgu. Nzverai Magwaro.” Akati kuvaprисita vaya vakadzidza, vadzidzi, “Imi nzverai Magwaro, ndiWo aCho anopupura nezvaNgu.” Nemamwe mashoko, “Iwo... Ndinaratidza Magwaro, Ndiri kuita kuti Shoko raMwari rive mazvirokwazvo. Nzverai Magwaro.” Vaiva nepfungwa yavo pachavo pamusoro pazvo, asi iYe aiva nenzira yechokwadi.

⁸⁴ Vaiva nenzira yaizouya nayo Mesiya zvichida achidzika nemumakoridho egoridhe uye okwazisana naKayafasi, muprisita mukuru, kana Akauya nenzira yake. Asi tarisai zvaAkauya, haAna kumbouya zvinopesana neMagwaro, Akauya nenzira chaiyo yakarehwa neGwaro. Akati, “Nzverai Magwaro, ndiWo aCho anopupura nezvaNgu. Iwo... Ndinoita kuti Magwaro aratidzwe. Zvino Ndikasaratidzwa nemabasa aNgu, zvadaro musaNditenda.”

⁸⁵ Oo, chitaurwa chakadini ichi! Munhu aigona kutora Shoko raMwari rakanyorwa oRiita kuti riitiKE pamberi pavo chaipo, asi zvakadaro, netsika dzavo, vakaMuramba. Ndokusaka, “Nzira yakapamhama, inoenda kunoparadzwa.” Ndizvozvo. “Suwo rakamanikana, uye nzira yakatetepa, inoenda kuhupenuy.” Kristu amire ipapo! Munhu wese ari kuda chimwe chinhu chinoyevedza, chine zvinovaima-vaima zvizhinji pachiri; Kristu kuninipa.

⁸⁶ Pano kasiri kare, *mumwe* murume, shamwari yangu, Ndaifanira kuenda kuChicago kunotaura mune imwe konivhenisheni, uye nekuti pamatepi ndakanga ndataura kuti akanga asiri maapurosi akadyiwa naEvha, murume uyu ndokuzviramba. Uye paakadaro, akaenda akanotora mumwe murume, wepamusoro-soro anobva kuchikoro chikuru chekuChicago, murume uyu ndokuuya kuzotaura.

⁸⁷ Uye paakadaro, aiva nezvose zvakanyorwa mubhuku, zvakada kuita *sezvizvi*. Mharidzo yekushandisa njere, waisagona kunge wakanzwa imwe iri nani. Asi akazoona paakaitaura, haina kufambirana nevanhu veVhangeri rakazara, pfungwa idzodzo dzenjere. Akauya achifambisa kumusoro ikoko nechipfuva chake chiri kunze, akachiburitsa kunze, ndokuvanyomba nezvimwe zvose. Asi paakadaro, akaona kuti hazvina kufamba zvakanyatsonaka. Saka akazoona kuti akanga akanganisa, akavhara mabhuku ake, ndokufamba achidzika nemapendekete ake akadonha, achifamba achidzika akazvininipisa.

⁸⁸ Paiva nemumwe mutana mutsvene ainge akagarako, pakona, akagumha mumwe akanga ari parutivi pake, akati, “Dai anga akwira nenzira yaazoburuka nayo, angadai aburuka nenzira yaakakwira nayo.” Saka ndizvozvo chaizvo.

⁸⁹ Varume, vakazvarwa neMweya waMwari, vanoziva Mwari nechiitiko, uye zvichinyatsoenderana neShoko. Vanokuudza, "Mweya Mutsvene unongova manyawi. Hausi *izvi*, Hausi *izvo*." Zvinopesana neShoko, Shoko rakati ndizvovzo.

⁹⁰ Petro akati, nezuva rePentekosti, "Vimbiso ndeyenyu, kuvana venyu, ne...avo vari kure, vose vachadanwa naShe Mwari vedu." Ndezva ani naani anoda, ngaauye.

⁹¹ Zvino, cherechedzai, Jesu aigona kumira ipapo oti, "Kana Ndikasaita mabasa akataurwa naBaba vaNgu kuti Ndichaита, zvino musaNditenda. Zvino, endai munonzvera Magwaro. Kana musiri kuziva pamusoro pezvaNdiri kuita, saka endai munonzvera Magwaro; nekuti maAri munofunga kuti mune Hupenyu Husingaperi; uye ndiWo aCho anopupura nezvaNgu. Zvino, tarisai Magwaro uye muone kuti izuva ripi ramuri kurarama mariri."

⁹² Akati, "Imi vanyengeri, munoona zuva richinyura, munoti, 'Oo, rakatsvuka uye riri kudzika, mangwana kuchanaya. Kana riri kudoka kwakachena, mangwana kuchava nezuva rakajeka.'" Akati, "Munokwanisa kunzvera huso hwematenga; asi chiratidzo chenguva hamukwanise kuchinzvera. Kana Ndikasaita mabasa aBaba vaNgu, saka musaNditenda." Zvino, hechoka chitaурwa, chakanga chichiMuita mumwe cheteyo sezvaingova Mwari. Ari Mwanakomana waMwari, Akanga akaenzana naMwari. Sezvakataurwa neBhaibheri, kwete kuMuita gororo nekuti Aiva Mwari akaratidzwa munyama.

⁹³ Zvino, izvo... Tarisai zvatiri kuedza kuisa zvino, kuti ndiYe mumwe chete zuro, nhasi, nekusingaperi. Heuno Ainge akamira pano, uye Shoko raMwari richifanotaura zvaizoitika muzuva iroro, zvino heuno Ainge akamira pano achizviita. Zvino Akati, "Nzverai Magwaro; nekuti maAri munofunga kuti mune Hupenyu Husingaperi, uye ndiWo Anopupura nezvaNgu. Kana Ndikasaita mabasa aBaba vaNgu, zvino musaNditenda. Asi kana Ndikaita mabasa, uye musingagoni kuNditenda, tendai mabasa."

⁹⁴ Zvino, nyatsotarisa zvino. Ndeapi Magwaro ari muBhaibheri, Testamende Yekare, akapupura nezvaJesu? Akati, "Magwaro, ndiWo aCho anopupura nezvaNgu." Zvino, kana Akataura izvozvo... Gwaro rese rakafemerwa, uye ndinoda kuona muchinda iyeye anondiudza kuti RinoZvipikisa. HariZvipikise, Rinonyatsoenderana chaizvoizvo. "Rakavanzwa kubva kumeso evakachenjera nevakangwara," Jesu akataura kudaro, "asi raizozarurwa kuvacheche avo vanozodzidza."

⁹⁵ Saka vaFarisei vaiva nenzira yavo pamusoro pazvo, asi hepano Mwari vachiuya nenzira yaVo pamusoro pazvo. Maona? VaFarisei vachifunga kuti zvaizova nenzira *iyi*, Akanga asiri muMagwaro zvachose nemafungiro avo, asi Akanga ari muMagwaro zvakakwana nenzira yemafungiro aKe pachaKe.

Saka unofanira kuva nepfungwa yaive muna Kristu ive mauri kuti uzive Magwaro. Saka zvino, "Ivo," Jesu akati, zvino, "Ndiwo aCho anopupura nezvaNgu."

⁹⁶ Zvino, tinogona kutora imwe awa kana 2, zvino tikasatopedza zvinhu zvakanyorwa pamusoro paJesu, zvose zvekuti "Ndiye Mbeu yemudzimai" kubva mubindu reEdheni, Isaya 9:6 nderimwe rakataurwa nezvekuzvarwa kwaKe, uye nezvese zvekuti, "uye mhandara ichava nemimba," nezvese zvatinotaura nezvazvo.

⁹⁷ Asi zvino, sezvo tichazvipfuura izvozvo, Magwaro anotaura pamusoro pekuti Aizouya sei, mese munoziva kuti vakazvipotsa nemamaira miriyoni, mazvarirwo aAkaitwa, "Akaninipa, akatasva mwana wembongoro achipinda," uye vakatadza kuzviona. Akabuda kubva murudzi rudiki rwajudha nezvimwe zvakadaro, ne "Bheterehema reJudhea, iwe uri mudukusa pakati pemachinda ose, asi kubva mauri kuchabuda kri—Kristu, Mudzikinguri." Zvino vakatadza kuona zvese izvozvo.

⁹⁸ Zvino, asi tichazvidarikira zvose izvozvo tozvitora kune Gwaro rinopupura nezvemabasa aKe, nekuti Akangoti, "Kana musingakwanise kuNditenda, tendai mabasa aNdinoita, nekuti anopupura nezvaNgu." Nemamwe mashoko, "Hamugone kutenda kuti Ndakaberekwa nekuzvarwa nemhandara; hamugone kutenda zvinhu zvose izvi zvinotaurwa neMagwaro; kana zvose izvozvo zvakakupofomadzai, uye musingagone kuzviona, saka edzai mabasa aNdinoita nokuti anopupura nezvaNgu, nekuti akanyorwa muMagwaro." Zvino, munoona, nekuti iYe iShoko, uye Akanga ari Shoko muTestamende Yekare, Iye iShoko muTestamende Itsva, uye ndiYe Shoko zvino, mumwe chete zuro, nhasi, nokusingaperi, saka haAkwanise kuRishandura, Rinogara riri Shoko.

⁹⁹ Zvino, mabasa aKe: Zvino, kana tikadzokera, muTestamende Yakare, zvemanheru ano, uye totora chinhu 1 chakapupurirwa...chakapupurirwa neMabasa aKe, tichavhura, uye imi mozvinyora pasi, imi muri kuzvinyora pasi, Dheuteronomio chitsauko 18. Ingoverengai chitsauko chacho chose, chinozo...kukuitirai zvakanaka kuverenga chese zvacho, Dheuteronomio 18. Zvino, tinoziva kuti Mosesi akaramba Egipita, asingatyi kutsamwa kwamambo, uye akatevera Mutumwa waMwari, nekuti akati akaona kuzvidzwa kwaKristu iri pfuma huru kupfuura iyo yeEgipita.

Zvino, zvitarisei. Vanhu vaionekwa neEgipita senhapwa nevakanyi vemadhaka, Mosesi akavaona vari vana vaMwari vakasanangurwa.

¹⁰⁰ Zvino, akanga ari muporofita akadanwa. Vaporofita vanofanzivikanwa, vanogadzwa muChechi, semahofisi, mahofisi 5 muChechi. Kutanga kune vaapostora, vaporofita, vadzidzisi, vafundisi, vavhangeri. Maona? Mahofisi iwayo

anoiswa naMwari muChechi. Zvino kune zvipo 9 zvemweya muChechi iyoyo, zvinova kutaura nendimi, zviporofita, nezvimwewo zvakadaro. Pane musiyano wakakura pakati pepaporofita, munhu ari kupa chiporofita, nemuporofita. Chiporofita chinofanira kunzverwa nevatongi 2 kana 3, muporofita anozvarwa ari muporofita uye okudzwa ari muporofita. Maona? Zvakafanotemerwa naMwari kuzera iroro.

¹⁰¹ Cherechedzai, zvino, Mosesi, ari iye wacho akanga asimudzwa naMwari, uye pakuenda kwake, muna Dheuteronomio 18 akataura kuvana vaMwari zvino ndokuti "Jehovha Mwari wenyu uchamutsa Muporofita akaita seni." Mosesi, mutungamiri, uyo akadzikinura Israeri, akataura kuti, "Jehovha Mwari wedu uchamutsa pakati penyu, kubva kuhama dzenyu, Muporofita akaita seni. Zvino Mwari vakati, 'Zvichaitika, kuti uyo asingazotendi Muporofita iyeye achagurwa kubva pakati pavanhu.'" [Chibenga chisina chinhu patepi—Mupepeti] Saka ndiko kusimudza muporofita.

¹⁰² Zvino, tinocherechedza kuti Aizova Mwari-Muporofita wepamusoro-soro. Ndinotenda kuti Dhavhidhi, muporofita Dhavhidhi aiva neMweya waMwari maari. Aifanira kuva... Jesu aiva Mwanakomana waDhavhidhi. Tarisai Dhavhidhi, mambo akarambwa, kubva—kubva kuwanhu vake omene, akauya kumusoro kweGomo reMiorivhi, ndokucheuka shure akachema pamusoro peguta iri nekuti akanga arambwa. Makore 800 kubva ipapo, Mwanakomana waDhavhidhi, mambo akarambwa, akachema pamusoro peJerusarema. Chaiva chii ichocco? Mweya waKristu muchikamu muna Dhavhidhi.

¹⁰³ Tarisai Josefa, akaberekwa pakati pehama dzake, akavengwa nevakoma vake, akadiwa nababa vake, akapihwa jasi remavara mazhinji, zvakanyatsokwana saKristu, cherechedzai, akatengeswa nemasirivheri angada kusvika 30, akakandwa mugomba sekunge akanga afa. Mukuyedzwa kwake, mubati wemukombe nemuchengeti wenyama, mumwe akarasika uye mumwe wacho akaponeswa, chinhu chimwe chete, Kristu ari pamuchinjikwa.

¹⁰⁴ Zvino akabuditswa mugomba iri, akanogara kuruoko rwerudyi rwaFarao, uye hakuna munhu aigona kuona Farao asina kuuya nekuna Josefa. Zvino Jesu akamutswa uye agere kuruoko rwerudyi rwaMwari, uyezve hakuna munhu anogona kuuya kuna Baba kunze nekune Mwanakomana. Uye apo Fara-... Josefa paaibuda kuti aende mberi... hwamanda yairira mberi kwake, uye ibvi rose raitopfugama, "Josefa ari kuuya." Zvino Jesu paachasiya Chigaro cheushe ichocco kuti adzokere panyika, hwamanda icharira, zvino ibvi rimwe nerimwe richapfugama uye rurimi rwose ruchapupura.

¹⁰⁵ Taigona sei kupfuura nemuvaporofita, toratidza kuti waiva Mweya waMwari, waKristu, muvaporofita ivavo! Munozvitenda

here izvi? Munoona, akangoita, akaratidza Kristu, zvikabva zvasvika muhuzaro hweMuporofita.

¹⁰⁶ Tarisai Mosesi, kuti akavanzwa sei munhokwe, saKristu, zvimwe zvakadaro, akaunzwa muEgipita, uye, oo, chero chipi hacho, mupi wemurawo, nezvimwe zvakawanda. Akangoratidza Kristu. Zvino Kristu paakauya, maAri maiva nehuzaro hweMweya iwoyo. Maona? Hwaive huri, "Huzaro wehuMwari mumutumbi hwaive muna Kristu." Ava vakava nahwo muchiyero.

¹⁰⁷ Zvimwe chete, manheru ano, neMweya Mutsvene. Mwari, nezvua rePentekosti, Shongwe yeMoto iya, yakapamuka kuva Ndimi dzeMoto dzakawanda, Ndimi dzakapatsanurwa-patsanurwa. Panzvimbo ye...Mwari vakanga vari kuzvipatsanura pachaVo pakati pevanhu. Zuva iroro, Mwari vakanga vari muMunhu mumwe chete, Kristu. Zvino, Vari muChechi yose zvayo, pasi rose. Ameni.

¹⁰⁸ Vakomana, zvinondiita kuti ndinzwe manyukunyuku ekunamata...?...Rumbidzo kuna Jehovha Mwari! Hareruya! Musandirega ndichikuvhundutsirai, handisi kupenga. Kana ndiri, chingondisiyai ndiri zvandiri, ndinonzwa zviri nani sezvizvi. Saka kungoti, ini—ini...Pafungei! Chimwe chinhu chinondifadza. Honai, kuti nenyasha dzaJesu Kristu ndakaponeswa manheru ano. Kana Akauya, zvinoita mutsauko wei? Tichaenda pamwe naYe. Ameni. Zvakakosha kudarika mabhiriyoni ese enyika dzakaita murwi dzizere nezvinhu zvese, uye nehupenu hwakakwana kurarama mamiriyoni 100 emakore, Ini zvakadaro handaizombochinjanisa nzvimbo nemunhu iyeye zvachose. Kugadzwa mumhuri yaMwari, uye nokuva mumwe wevana vaVo, iropafadzo rakadini! Zvino vanhu vanofuratira musana wavo pane chinhu chakadaro.

¹⁰⁹ Cherechedzai, "Jehovha Mwari wenu achakumutsirai Muporofita akaita seni. Uye zvichaitika kuti ani naani asingateerereri Muporofita uyu achagurwa kubva pakati pevanhu." Yakanga iri dzidziso iyi.

¹¹⁰ Zvino, rambai muchiverenga muchidzika kuzasi kwechitsauko 18 chenyu ipapo, Mwari vakati, "Heano maziviro amuchaita muporofita." Israeri nguva dzose yakadzidziswa kutenda vaporofita vayo. Ndizvo here? Ndizvozvo chaizvo-... Shoko raMwari rakauya kuna ani? Muporofita. "Shoko raJehovha rakauya kumuporofita Jeremia." "Shoko raJehovha rakauya..." Raiva Shoko raJehovha. Uye tinoziva kuti Murume uyu akanga ari Shoko raMwari rose. Hareruya! Akanga ari Shoko.

¹¹¹ Uye Israeri yakadzidziswa kutenda vaporofita vayo. Zvino, Vakati chii? "Kana pakauya mumwe pakati penyu ari wemweya, kana muporofita, Ini, Jehovha, ndichaZvizivisa kwaari nezviratidzo, ndichataura naye kubudikidza nehope.

Zvino kana zvinotaurwa nemuporofita uyu zvikaitika, zvino munzwei, asi kana zvikasaitika, zvino musamunzwa.” Zvino, ndizvo chete zvine musoro.

¹¹² Chokwadi, kana akazvituraura uye zvorega kuitika, handizvo. Kana muporofita akauyapo achiporofita, zvikasaitika, zvino tarisai muone kana zvikaitika, kana zvikasadaro, zvino handizvo; kana zvikadaro, ichokwadi. Ndiyo nzira iyo Israeri yaiziva nayo vaporofita vayo.

¹¹³ Makore 400 zvino, pakuzvarwa kwaKristu, kwakange kusina vaporofita; Maraki ndiye aiva muporofita wekupedzisira. Oo, vakave nevaporofita venhema vazhinji, asi ndinoreva vaporofita vechokwadi. Rimwe zuva, zasi-zasi muchidyiyo chemhuka chemuBheterehema, kwakauyapo Kasvava. Kwakanga kune vachenjeri vaibva kumabvazuva, vakatevera chiratidzo chaKe, nyeredzi yakavatungamirira kwaAri. Paiva nevafudzi mujinga megomo vakauya kuzoMuona. Akakura semucheche; Akatamba sekakomana.

¹¹⁴ Rimwe zuva kwaiva nemuporofita, wakabuda achibva kurenje, ainzi Johane, akati, “Nguva yakanga yasvika, tendeukai mugadzirire.” Murume wemasango, ane mumhu wakasimba, oo, uye murume ane mazindebu, akanzi auya pamukova wako, waimudginga. Zvino iye, muchinda ane mazindebu, uye akabuda imomo, ndokumira pamahombekombe aine madhaka eJorodhani, ndokuti, “Tendeukai, nekuti Humambo hweKudenga hwaswedera.” Uye akatsiura masangano iwayo akavaudza kwavaibva, zvino akanga akazvimoneredza nechibenga chedehwe rehwai; aivenga vakadzi vasina hunhu. Sei? Mweya waEria wakanga uri pamusoro pake.

¹¹⁵ Eria akavatsiura, zvimwe chetezvo, kunze, Israeri iyoyo muzuva iroro, uye akataura izvi zvitendwa zvavo zvose, uye kuti vakadanana sei neMudzimai Wemutungamiri wenyika, sezvakaita America, uye nokuita saye, uye vachipfeka saye, uye Jezebheri uya, uye akamuudza nezvazvo. Ndizvozvo. Haana kuzengurira kuzvitaura.

¹¹⁶ Hezvo zvouya zvakare, muchimiro chaJohane Mubhabhatidzi, zvakavimbiswa zvakare mumazuva ekupedzisira kuti abude kunze zvakare. Maraki 4, kwete Maraki 3 pakauya Johane, “Mutumwa wangu mberi kwaNgu.” Mateo 11:6. Asi zvakare, munoona, kana Eria uyu achinge auya, pakarepo mushure mazvo nyika ichapiswa nemoto uye vakarurama vanofamba napamadota evakaipa; uyu akanga asiri Johane.

¹¹⁷ Kana mukamucherechedza, “Achadzoreredza kutenda kwevana kuchidzokera kumadzibaba.” Zvino wekutanga uyu paakauya, akadzoreredza kutenda kwevana kumadzibaba. Maona? Mharidzo yechidiki, ipapo, yaienda kumadzibaba epakutanga. Uye nhasi vaitozobva pazviri, zvino pane imwe

nguva pachauya mumwe achabuda nokuchimbidza, hapana anoziva kwaanobva kana kuti anoenda sei, asi achapinda mukati odzoreredza kutenda kwepamavambo kwePentekosti uko izvo, gwatakwata nemutetenzi zveRoma Katorike, zvakadya Muti uyu unokosha kusara wava chigutsa. Asi Mwari vakati, "Ndichadzoreredza, ndizvo zvinotaura Jehovha. Kuchava neChiedza panguva dzamanheru." Zuva remanheru iroro parinobuda, pachava neMuti ipapo une muchero pauri kuti uibve. Ameni.

¹¹⁸ Mutarisei apo tinoMuona. Heuno Achiuya rimwe zuva, uye akabhabhatidza naJohane muJorodhani, Johane akapupura, hapana mumwezve akazviona. Hapana akaona, Vanzveri vemuchadenga...nyeredzi yakaonekwa neMunzveri wemuchadenga, vakanga vasiri kuitarisira. Ndizvozvo chaizvo. Anouya chete kune avo vaAri kutsvaga. Johane aiziva, akanga achitsvaga chiratidzo. Ndiyo nzira, yazvakaiswa nayo muMagwaro, uye muchaziva chiratidzo chechokwadi chaMwari. Mwari vanogara vachifamba nechiratidzo.

¹¹⁹ Cherechedzai, kuti Vanzveri venyeredzi ava, vakanga vachitarisira chiratidzo, nekuti vaiziva kuti Nyeredzi yaJakobho yainge yava kuzobuda. Vanofanira...Dhanieri akanga ari mudzidzisi wavo paakanga ari...Munoziva kwavakabva, vaMedhia-nevaPeresia vakare ava. Vachiri kugara mumigwagwa, 3 muboka saizvozvo, vachinzvera. Zvino pavakaona muenzi weKudenga uyu achiuya, vakaziva kuti pane chimwe chinhu chakanga chava kuda kuitika, uye vakaitevera, kusvikira vamuwana Mesiya.

¹²⁰ Zvino vakati vasvika kuJerusarema, vachiti, "Aripiko Uyo, akazvarwa Mambo wemaJudha?" chechi huru haina chayakaziva nezvazvo; ichakangoipa sezvairi nhasi uno, zvimwe chetezvo. Heyoka iyo zvakare.

¹²¹ Tinoona kuti zvino Johane akati, "Iye akati kwandiri, murenje, 'Enda unobhabhatidza nemvura,' akati, 'Pane Uyo waunoona Mweya uchiburuka pamusoro pake woramba uripo, ndiYe waCho achabhabhatidza, Mweya Mutsvene neMoto.'" Zvino Johane akanga akamirapo akamirira chiratidzo, akatarisa.

¹²² Akati, "Pane Mumwe pakati penyu..." Aiva nechokwadi kwazvo kuti zvainge zviri kuzoitika, akati, "Pane Mumwe pakati penyu, iko zvino, wamusvingazive." Pane mumwe *pano*, kana mukatarisa.

¹²³ Mushure mechinguva akaona chiratidzo pamusoro paKe, akati, "Nda—ndakaMuona, ndikacherechedza chiratidzo chaKe chaMesiya. Ndokuuya Chiedza chiye chaMwari chakaita senjiva, chichiburukira paAri, Inzwi rikabva Kudenga richiti, 'Uyu ndiye Mwanakomana waNgu anodikanwa, Uyo waNdinofarira kugara maari.'"

¹²⁴ Ipapo ndokuenda haKe kunze uko murenje, akayedzwa kwemazuva 40 neusiku naSatani, achigadzirira shumiro yaKe. PaAkauya zasi achienda nemuJudhea, uye achibuda kubva ipapo, Akatanga kunamatira vanorwara, zviratidzo nezvishamiso zvikatanga kuMutevera; vanhu vakatanga kutenda, vamwe vavo vakaMuseka, vamwe vavo, vakanga vagadzirirwa naJohane, vakaMucherechedza.

¹²⁵ Mumwe wavo imomo akanga ari Andrea, munin'ina waSimoni Petro. Akagara husiku hwese naYe kusvikira agutsikana kuti ndiYe aiva Mesiya, akabva aenda ndokuudza Simoni, akauya naSimoni.

¹²⁶ Zvino, Simoni...vaiva vadzidzi, kana wakamboverenga hupenyu hwavo. Baba vavo vaiva mudzidzisi chaiye, muFarisei. Zvino, tarisai, tiri kuuya tichipinda chaimo mune chimwe chinhu. Musazvipotsa izvi. Zvino Andrea akaita kuti Simoni auye naye kumusangano, zvino Simoni achingofamba achipinda muHupo hwaIshe Jesu, Uyo Andrea akanga amuudza kuti aiva Mesiya...

¹²⁷ Ndinogona kufungidzira kunzwa Simoni achiti, "NdichaMuziva, ndichaziva kuti Anotaridzika sei. Baba vangu mutana vakandiudza rimwe zuva, vakati, 'Simoni, ndave kuchembera, ndaifunga kuti ndaizoona Mesiya, takashuvira kuMuona zvichidzika nemumazera, asi ndave kunyanyisa kuchembera zvino, zvichida handizoMuona. Asi imi vakomana musanyengerwa, kana Akauya muchizvarwa chenyu, rangarirai kuti pachange paine mapoka akatsauka akawanda achange achipfuura, asi rangarirai, muri vaHebheru, munofanira kutenda Shoko raMwari. Uye teererai, kana Mesiya uyu achinge auya, Achange ari chaizvo izvo Shoko rakati Achange ari, Mosesi, muporofita wedu, akati, "Jehovha Mwari wedu achamutsa Muporofita pakati pedu." Zvino, pava nemazana emakore tisati tava nemumwe. Tine mhando dzose dzezvinhu, asi tiri kuMutarisira."

¹²⁸ Hoyo Simoni ndokuuya, achifamba achipinda muHupo hwaIshe Jesu. Zvino Jesu, akamutarira, akati, "Tarira, zita rako ndiSimoni, uye uri mwanakomana waJonasi." Zvakabva zvabvisa kuomarara maari. Munoona, haAna kuziva chete kuti aive ani, Aiziva baba vake mutana avo vane humwari. Akati, "Zita rako ndiSimoni, uye uri mwanakomana waJonasi."

¹²⁹ Zvino Petro akacherechedza, pakarepo, kuti Aiva Muporofita uya, nekuti Akanga ataura chokwadi chaicho. Zvino akawira patsoka dzaJesu, uye Jesu akamuita mukuru weKereke paJerusarema, asina kana dzidzo yekugona kusaina zita rake chairo. Asi aiva nechizaruro, ndizvo zvazvinotora. Ndizvozvo. Zvakafadza Mwari kumugadza, nekuti akacherechedza, maringe neMagwaro, kuti Uyu ndiye aiva Mesiya.

¹³⁰ Zvino kwakange kumirepo mumwe wainzi Firipi, zvakamufadza zvakanyanya kusvikira... Akambenge achinzvera Bhaibheri nemumwe murume anonzi Natanaeri. Pakareba anenge mamaira 15, kana mukazvitarisa, kubva paiparidzira Jesu kusvika kwaigara Natanieri, zvichida zvakamutorera zuva kuti aende ikoko. Zvino akasvikako, akawana Natanaeri ari pasi pemuti, achinamata.

¹³¹ Ndinogona kufungidzira Natanaeri achiti, "O, Jehovha, tiri kutarisira kuuya kwaMesiya. Oo, tiri muhutapwa hweRoma. Tichatambura zvakadai kusvika rinhiko? O, Jehovha mukuru, Mutumeiwo."

Uye ndinogona kungofungidzira Firipi akamira ipapo, achiti, "Mwari ngavarumbidzwe, mirai kusvikira ndamuudza. Mirai henyu kusvikira ndamuudza."

¹³² Uye mushure mechinguva, paakati, "Ameni," ndokusimuka, haana kutaura naye pamusoro pemunda wemaranjisi, kana munda wemichero yemacitrus, kana chero chaaiva nacho. Akati, "Huya, uone Watawana, Jesu weNazareta, Mwanakomana waJosefa. Uyu ndiye Mesiya uya."

¹³³ Oo, ndinogona kufungidzira Firipi achiti kwaari, "Zvino, chimbomira zvishoma pano," kana kuti, Natanaeri achiti, "Zvino, miraka, takava nedzidzo dzeBhaibheri dzakanaka dzakawandisa tiri pamwe chete zvekuti ungarasike zvakadaro. Zvino, pane chakakanganisika."

¹³⁴ Zvakanaka, ngatingopindai muhurukuro yavo. Ndinonzwa vamwe vavo vachiti... inzwai Firipi achiti, "Zvino, imbomira zvishoma, hatina kudzidziswa here, maererano neMagwaro edu, kuti kana Mesiya auya Achange ari mu... [Chibenga chisina chinhu patepi—Mupepeti]... muporofita?"

"Zvirokwazvo, Mosesi akataura kudaro, tinotenda vaporofita vedu, uye Achava muporofita."

"Unoziva here muredzi wekare uya, zasi uko, wawakatengera hove iya kubva kwaari, uye achitadza kunyora risiti?"

"Oo, Simoni? Hongu. Oo, ndaitoziva baba vake, Jona, chokwadi, ndinovaziva zvakanyanya."

¹³⁵ "Munin'ina wake, Andrea, akamuunza kumusangano nezuro, uye paakangofamba achipinda muHupo hwaJesu uyu weNazareta, Akamuudza kuti zita rake rainzi Simoni uye aiva mwanakomana waJonasi. Unoti kudii nazvo?"

Ndinonzwa Natanaeri achiti, "Ndichaenda kunozvionera."

Ane ruremekedzo rwakanyanya kupfuura vazhinji vemuAmerica, vanogara kumba zvino vachitsoropodza, havaende, kunyange kuedza kunoonawo. Saka vano...

¹³⁶ Havo vachiuya, zvino vakapoterera nepachikona vachitaura. Zvino ipapo paakauya muHupo hwaJesu, zvino tarisai, zvino paakangouya muHupo hwaJesu, Jesu akamutarisa ndokuti, “Uri... Tarirai muIsraeri, asina nduru maari!” Aive Jesu nezuro, “Tarirai muIsraeri, asina nduru maari,” zvino Akamutarira.

Unoti, “Asika, tarisai mapfekero aakanga akaita.”

¹³⁷ Kwete, changamire. Vose zvavo vaipfeka zvakafanana, vanhu vokumabvazuva, vaipfeka gemenzi. Aigona kunge ari muGiriki, aigona kunge ari, oo, muEgipita, akapfeka mucheka womumusoro, wose... munoona, haAna kumuziva nemapfekero ake. Akati, “MuIsraeri, asina nduru maari!” Kwete muIsraeri chete asi, “Iye—iye murume akatendeka.”

¹³⁸ Zvino akamira, uye akaMutarira, akati, “Rabhi,” zvinoreva kuti “mudzidzisi,” “ko Makambondiziva riinhi? Ino inguva yedu yekutanga kusangana. Munogondiziva sei?”

Zvino Jesu akati, “Firipi asati akudana, pawanga uri pasi pemuti, ndakakuona.”

¹³⁹ Ndinogona kufungidzira, achitarisa-tarisa, uye hapo pamire Bhishopi *Nhingi-nhingi* ipapo ainge achiti, “Wekutanga anoenda kune mumwe wemisangano iyoyo *anodzingwa pachechi*.” Asi hazvina mutsauko wazvakaita, akaona Mesiya wemuMagwaro, zvino akamhanyirapo, ndokunowira patsoka dzaKe, akati, “Rabhi, ndiMi Mambo weIsraeri; ndiMi Mwanakomana waMwari.” Ndiyo nzira iyo Jesu akaZvizivisa nayo nezuro, ndiwo maziviro avakaita kuti ainge ari Iye.

Tarisai Jesu achicheuka, akati, “Nokuti Ndakuudza izvi unotenda here? Iwe uchaona zvakakura kupfuura izvi.” Ndizvo zvacho zvaiMuzivisa.

¹⁴⁰ Taigona kuenda kuna Bhartimeo bofu, uye tichienda tichidzika kune vamwe vazhinji, vamwe vazhinji, tichienda tichidzika kunobuda!

¹⁴¹ Zvino, pane 3 chete mapok...ndudzi dzevanhu dziri panyika. Ndinoziva kuti hamuzvitende, kana kuti, handingati *imi* hamutendi, vazhinji havadaro. Musangano uno, uri kuiswa patepi, unoenda pasi rose. Saka kune vanhu vazhinji vasingatendi. Saka kune vanhu vazhinji vasingatendi. Chikonzero ndichitaura izvi nenzira iyi uye ndichitaura nenzira yandinoita, hamusi *imi* chaizvo, asi izvi zvinoenda kwese-kwese. Maona? Zvinoiswa mumitauro 27 yakasiyana-siyana. Saka vanhu vasingatendi...

¹⁴² Asi kunongova nendudzi 3 chete dzevanhu, ndivo vanhu vaHamu, Shemu, naJafeti; zvino vaiva maJudha, Marudzi, nemaSamaria. Tarisai Petro ane makiyi paPentekosti, akaenda zasi kumaSamaria, uye nekumusoro, kuimba yaKonerio, uye kubva ipapo zvakazaruka. Munoona, marudzi 3 evanhu.

¹⁴³ Zvino, paiva nemarudzi 2 akanga achitarisira Mesiya, aiva maJudha nemaSamaria. Zvino Jesu aida, kupfuura nekuSamaria. Tarirai kuti AkaZvizivisa sei pakati pemaJudha, nokuva Muporofita uyo Mosesi akataura nezvake. Zvino, Anokwidza achienda kumaSamaria, akakwidza kuenda Saika munzira yaKe achidzika kuenda ku—ku—kuJeriko, asi akapoterera nechekumusoro achipinda, ku—kuma—maSamaria, vanofanira kuziva, vanofanira kuMucherechedza.

¹⁴⁴ Saka Akauya kuguta iri reSaika, zvino paiva nekamwe kanzvimbo kanooneka kadiki, tsime; richiriko. Zvino akagara pasi ipapo, aneta nerwendo, ndokutuma vadzidzi muguta kunotenga zvekudya. Zvino vakati vaenda, paiva nemudzimai ane runako akabudamo, akanga ari mukadzi ane hunhu hwakaipa, akanga aine varume 5. Aive mutambi wemabbaisikopo ane mukurumbira wanhasi. Asi akaita varume 5 zvino achigara newechi 6, angadai achifambiran chaizvo nezviriko nhasi.

¹⁴⁵ Asi wakabuda muguta kuzochera mvura; aisakwanisa kuuya nemadzimai ane hunhu. Kana ukambonzi waenda kumabvazuva uko, munoono kuti vanoisa mutsauko pakati pavo, uye mhandara dzinokurumidza kuenda kutsime. Akabuda panguva ingaite 11 o'clock. Zvino hoyo ndokugadzika chirongo chikuru, unofanira... chinhu chihombe chakakura chine mutsipa wakareba, nezvekukochekera pachiri. Ndakavaona vakadengezera chimwe pamusoro pavo, chimwe pahudyu *iyi*, chimwe pahudyu *iyi*, uye vachifamba vakangotwasuka, uye vachitaura sezvinoita madzimai chaizvo, munoziva, asi vasingambodeura kana donhwe zvaro remvura. Ndizvozvo chaizvo. Vofamba vachidzika neuko, vachiri kuzviita, havacha... havasati vashandura kana chinhu chimwe kubva pamazuva iwayo.

¹⁴⁶ Zvino saka, Akagara patsime iri. Akaisa zvinokochekera kuitira kuti chidhaiso chidzike mutsime, zvino akatanga kudzikisa chirongo ichi pasi, zvino akanzwa mumwe Murume achiti, "Mudzimai, Ndipewo mvura yekunwa." Zvino akatarisa ikoko, zvino hapo pagere muJudha wezera repakati nepakati. Aive nemakore 33 bedzi, asati anyatsosvitsa 33, asi munorangarira muna Johane 6, vakati Aiiita sekunge Aiva ne 50. Vakati, "Uri murume asati adarika makore 50 ekuberekwa, asi unoti wakaona Abrahama?"

Akati, "Abrahama asati avapo, NDIRI." Munoona, havana kuzvicherechedza. Asi iYe akati... Zvangu...

¹⁴⁷ Murume wezera repakati-nepakati angangoita makore 50, Airatidzika kuva nemakore 50, akagara pakatarisana netsime. Zvino mudzimai ndokuti, "Hazvisi pamutemo kuti imi maJudha mundikumbire, ini munhukadzi wemuSamaria,

chinhu chakadaro. Isu... Pane rusarura kuno, hatidyidzane mumwe nemumwe.”

¹⁴⁸ Akati, “Asi mudzimai, dai waiziva Wauri kutaura naye, waizokumbira iNi mvura yekunwa, uye Ndaizounza... kukupa Mvura yejuti hawaizouya kuno kuzochera.”

Munoona, zvaAkanga achiita, zvino, Akanga achibata mweya wemudzimai uyu.

¹⁴⁹ Zvino, rangarirai, muna Johane 5:19, Jesu akati, pachaKe, “Zvirokwazvo, zvirokwazvo ndinoti kwamuri, Mwanakomana haagoni kuita chinhu pachaKe, kunze kwezvaAnoona Baba vachiita.” Vangani vanoziva Gwaro iroro? Ameni. Kwete, “ZvaNdinonzwa Baba vachitaura,” “ZvaNdinoona Baba vachiita.” Maona? Chaizvoizvo zvakangoita vaporofita vose vakaMutangira, vadiki, vakaita, sezzavakangoudzwa naMwari.

Akati, “Handiite chinhu kusvikira ndaona Baba vachichiita.”

¹⁵⁰ Zvino, Baba vakanga vamutuma kumusoro kuno kuSamaria, kumaSamaria, kuzovapa Huchapupu hwaMesiya. MaJudha vakange vaHugamuchira, vamwe vavo, vazhinji vavo vakaMuramba, zvikamu 90 kubva mu 100 vavo, zvikamu 99 kubva mu 100, hongu, kupfuura ipapo vakaMuramba. Asi paAkavaratidza kuti Aiva Ani, zvino Akazoratidza Samaria kuti Aive Ani—Aiva Ani.

Zvino mukadzi uyu akati kwaAri, akati, “Tsime rakadzika, uye haMuna chekuchera nacho.”

Akati, “Mvura yandinopa Hupenyu, hunotubuka.” Akanga achiitei? Kubata mweya wake.

¹⁵¹ Vakatanga kutaura pamusoro pekwekunamatira, kuJerusalem, zvino Akati, “Baba vedu, Jakobho...” Zvino, mudzimai weSamaria akadaidza Jakobho kuti baba vake, ndiro raive tsime raakapa Josefa, zvirokwazvo, akati, “Vakanwa kubva mariri, ndokupa kuvana vake, nezvimwe zvakadaro. Uye Munoti Mvura iyi yaMuinayo yakakura kupfuura iyo?” nezvimwe zvakadaro, vachitaura.

Zvino mushure mechinguva Jesu akawana dambudziko rake, munoziva kuti raive chii, Akati, “Enda, unotora murume wako uuye pano.”

Akati, “Handina murume.”

Akati, “Wataura chokwadi, nekuti wanga uine 5; uye waugere naye zvino haasi murume wako.”

¹⁵² Zvino tarisai, zvino, vaFarisei vakaMuona achiita izvozvo, vadzidzi vakuru ivavo vezuva iroro, uye vakati, “Murume uyu ndiBherizebhabhu, muwuki.” Uye chero ani zvake anoziva kuti zvekuwuka ndezvadhiyabhore, mwuya wakatsveyama.

¹⁵³ Zvino Jesu akati, “Mukataura shoko muchiNdipikisa, Ndichakuregererai; asi rimwe zuva Mweya Mutsvene uri kuuya kuzoita izvozvo, zvino shoko rimwe chete rinopesana naWo harizoregererwa.” Munoona, Chibairo chakanga chisati chaitwa panguva iyoyo, Chavepo zvino.

Tarisai mudzimai uyu. Jesu akati, “Enda, unotora murume wako uuye pano.”

Mudzimai ndokuti, “Handina murume.”

Akati, “Wataura zvakakanaka. Wanga uine 5; uye waugere naye zvino haasi murume wako.”

Mutarisei. Hama, mudzimai uyu aiziva zvakawanda nezvaMwari kupfuura hafu yevaparidzi muUnited States, ari muchinhano ichocco. Nhai, handizvo here?

¹⁵⁴ Mudzimai akati, “Changamire, ndinoona kuti Muri muporofita.” Vamwe vese vakati, “Bherizebhabhu.” Zvino iye ndokuti, “Ndinoona kuti Muri muporofita. Tinoziva kuti kana Mesiya auya, ndizvo zvacho zvaAchaita.” Oo, ini zvangu. Vaive nedzidziso iri nani. Mudzimai uyu, ari muchinhano ichocco—ichocco akazviona nekukurumidza.

¹⁵⁵ Chaiva chii? Imwe yeMbeudziya dzeHupenyu, dzakagadzwa nyika isati yavambwa. Uye zvisinei nekuti vanonamata zvakadii, zvandaiiedza, kukuudzai manheru apfuura, kuchave nevazhinji kwazvo vachatongwa vanofunga kuti vatsvene uye vanonamata. “Hapana munhu angauya, kunze kwekunge Baba vaNguru vamukweva. Uye vose vaNdakapihwa naBaba vachauya kwaNdiri.” Uye pakangovheneka Chiedza ichi paMbeu diki iyoyo yakafanotemerwa ipapo, Yakabva yatungira kuHupenyu nekukasika.

¹⁵⁶ Vamwe vose vakanga vane ruzivo rwose *rweMagwaro* uye vakadzidziswa *izvi*, *izvo*, nezvimwewo, asi mudzimai uyu aiziva, akati, “Changamire, ndinoziva kana Mesiya auya, Achatiudza zvinhu izvi.”

Akati, “Ndini Iye anotaura newe.”

¹⁵⁷ Akabva aenda muguta, hapana chimwezve chaaida. Akamhanyira muguta ndokuti, “Huyai muone Murume, Andiudza zvinhu zvandakaita. Handiye Mesiya wacho here.” Uye Bhaibheri rakati vanhu veguta vakatenda kuna Jesu nekuda kwehuchapupu hwemudzimai. Vakaziva kuti ndiye wacho Mesiya. Kana aive Iye nezuro, anofanira kunge ari Iye nhasi. Ndizvo here?

¹⁵⁸ Zvino, rangarirai, kana Mwari vaita sarudzo, haVakwanise kuishandura. Ndiyo nzira yaAkaZvizivisa nayo nguva dzose, ndiyo nzira yaAkaZvizivisa nayo kumaJudha, ndiyo nzira yaAkaZvizivisa nayo kumaSamaria.

¹⁵⁹ Zvino, isu Marudzi, hapana nguva imwe chete zvayyo muMagwaro yazvakamboitwa kune Murudzi. Kwete

changamire. Sei? Vakange vasingatarisiri Mesiya. Taiva netsvimbo kumusana kwedu uye tichinamata chimupunzo mumazuva iwayo, isu maAnglo-Saxon.

¹⁶⁰ Asi cherechedzai, Jesu akaporofita kuti Mweya Mutsvene uchauya woita zvime chete. Zvino, mukuvhara, ndinoda kutaura izvi. SaAbrahama...Zvino isu, tiri muna Kristu, tinotora Mbeu yaAbrahama. Zvino, musazvipotsa.

¹⁶¹ Cherechedzai, Abrahama, paakasvika panguva yekupatsanurana, iye naRoti, Roti akaenda zasi muSodhoma. Zvino zvakazosvika panzvimbio iyi ipapo, apo Mwari vanga vari kuzoZviratidza. Zvino rimwe zuva Abrahama, akagara pamukova wetende rake...Aimiririra Chechi yepamweya. Zvino, pane mapoka 3 evanh: asingatendi, mutendi wekabanga, nemutendi. Zvino, asingatendi akanga ari muSodhoma; mutendi wekabanga aiva Roti, chechiwo zvayo, chechi yesangano; uye... Abrahama aimiririra Chechi yakasanangurwa, yakadanwa, yakapatsanurwa, akanga asiri muSodhoma pakutanga kwacho. Oo, ini zvangu. Tarisai, Mutumwa uya haana kumboenda kune imwe chechi iya, Akaya kuChechi yakasanangurwa.

¹⁶² Vaiva 3 vaVo vakauya, uye tarisai, paVakauya ipapo, Abrahama akabuda akati, "Ishe wangu, huyai nepano, garai pasi," agere pamukova wetende rake. Paiva nechimwe chinhu pamusoro peVarume ivavo, Vaiva Vatorwa, huruva iri pahanzu dzaVo, asi zvazvaiva chaizvo, vaiva Mwari pachaVo neVatumwa 2. Ndizvo zvakataurwa neBhaibheri. Abrahama akaMudaidza kuti, "Ishe, Elohim." Ndizvozvo. Ishe Mwari, Jehovha, Vanozviraramira vari Voga. Zvino Vakauya, uye Vakagara pasi, zvino Vakataura naAbrahama.

¹⁶³ Zvino 2 vaVo vakasimuka ndokudzika zasi vachipinda muSodhoma. Zvino Abrahama akakumbirira Sodhoma, kana Aigona kuwana 50, kana Aigona kuwana 20, zvichienda zvichidzika kusvikira, Aigona kuwana 10, zvino Akavimbisa kusavauraya kana vakaita 10.

¹⁶⁴ Cherechedzai, zasi kuSodhoma kwakaenda vatumwa 2, vasingaiti kana zviratidzo nezvishamiso hazvo, Billy Graham wechimanjemanje, chinhu choga chavakaita kwaiva kuvapofomadza, zvino kuperidzwa kweEvhangeri kunopofomadza uyo asingatendi. Cherechedzai, uye iye... vakaparidza Evhangeri uye vakadanira Roti kunze, zvino mukadzi wake akacheuka kuti atarise kumashure. Tinoziva nyaya yacho.

¹⁶⁵ Asi Uyo akasara naAbrahama, Mutarisei. Akanga agere akapira musana waKe kutende, zvino Akati, "Aripi...?" Zvino, rangerirai, anga ari Abrama kusvika nezuro wacho, uye akanga ari S-a-r-a-i nezuro wacho, asi zvino, ndiS-a-r-a, uye iye ndiA-b-e-r-h-a-m. Akati, "Abrahama, ko mukadzi wako aripi Sara?" S-a-r-a.

Akati, “Ari mutende shure kweNyu.”

Uye akati, “Ndiri kuzokushanyirai maererano nenguva yehupenyu.”

¹⁶⁶ Ko Akaziva sei kuti akanga akaroora? Akaziva sei kuti akanga ane mudzimai, uye Akaziva sei kuti zita rake ainzi Sara? Asi imi cherechedzai, “*Ini*,” “Ini ndiri kuzokushanyirai,” maererano nevimbiso yaVakanga vaita. *Ini* chisazitasingwi. Vaiva Mwari. Maona? Uye—uye Akati, “...nguva yehupenyu, naSara, zvichave...ari kuzova nemwana zvino,” akanga ava chaipo pamakore 100 ekuberekwa.

¹⁶⁷ Zvino Sara, ari mukati, akaseka, uye Mutumwa agere panze, nemusana waKe wakamufuratira, akati, “Ko sei Sara aseka, achiti mumoyo make, ‘Zvinhu izvi hazvigone kuva izvo?’” Kwaiva kuverenga pfungwa kwerudzii ikoko? Uye pakupedzisira, Murume uyu akapa chiratidzo.

¹⁶⁸ Zvino Jesu akati, “Sezvazvaiva mumazuva eSodhoma, ndizvo zvazvichava paKuuya kweMwanakomana wemunhu.”

¹⁶⁹ Hazvishamise here, vane murume, nguva yega munhoroondo yese yepasi rese, kunze uko pakati pemachechi emasangano, ane zita rakada kuita saAbrahama? A-b-e-r-h-a-m, G-r-a-h-a-m. Zvinoshamisa, handizvo here? Chechi yepanyama iri kuwana kushanyirwa kwayo.

¹⁷⁰ Mwari vari kuedza kuratidza chii? Chii chaVakaита ikoko? Vaiva Mwari vari mumutumbi wenyama, vachiratidza kuti Mwari vachange vari muChechi yaVo mumazuva ekupedzisira, mumutumbi wenyama, mutumbi wevanhu, munyama yaVo, uye vachizoratidza chinhu chimwe chetecho. Nekuti, kana dai maJudha akava nacho...Ndicho chaiva chiratidzo chekupedzisira icho maJudha akawana. Ndicho chaiva chiratidzo chekupedzisira icho Abrahama akawana Moto usati wadonha, uye hechinoi ichi, zvichidzika kusvika kunguva imwe cheteyo nhasi.

¹⁷¹ Kana Jesu Kristu akauya muChechi kubudikidza nerubhabhatidzo rweMweya Mutsvene, uye otaura nendimi, nekupodza varwere, nekuita zvishamiso, izvo zvimwe chete zvaAkaita naAbrahama mukufamba parwendo, zvino ndicho chaiva chiratidzo chekupedzisira Moto usati wauya; chaiva chiratidzo chekupedzisira Mwari vasati vabva kumaJudha.

¹⁷² Hechinoi ichi, zvino Marudzi anofanira kuwana chinhu chimwe chetecho, inova Chechi yakasanangurwa uye nechechiwo zvayo. Hoyo Ari kunze uko, uye heuno Mweya Mutsvene uri pano manheru ano, Jesu Kristu mumwe chete akanga ari zuro, nhasi, nekusingaperi, kuti aite chinhu chimwe chete. Ndiye Kristu mumwe chete, haAkundike, ndiYe Kristu. “Tinodawo kuona Jesu.”

¹⁷³ Kana ndikabuda ndichienda mumugwagwa manheru ano, ndokutorera murume, ndomuunza muno, ane mavanga ezvipikiri mumaoko ake, uye aine mavanga kumeso kwake *uku*, uye ropa richiyerera kubva pavanga rechipikiri, chero munyengeri upi zvake anogona kuzviitawo izvozvo. Asi Hupenyu... Mwari vakamutsa mutumbi waJesu Kristu, uye unogara kuruoko rwaVo rwerudyi. Munozvitenda here izvozvo? Ndizvo... “Muprisita Mukuru agere ipapo kuti areverere pakupupura kwedu.” Ndiye Muprisita Mukuru waMwari zvino.

¹⁷⁴ Asi Hupenyu hwaiva maAri, Mweya waiva maAri, huri zasi kuno, “Uyo anotenda maNdiri, mabasa aNdinoita naiye achaaitawo.” Sei Akakwanisa kuvaudza zvavaifunga nevvazvo, zvavaiita, kuti vaiva vanaani? Nekuti Aiva Shoko, “Shoko raMwari,” VaHebheru 4 yakati, “rinopinza kukunda munondo unocheka nekumativi maviri, uye Munzveri wemifungo yemoyo.” Uyezve, kana Shoko iri... kutenda kwapinda muShoko iri, zvino Mwari vakaisa Chechi yaVo muhurongwa, Shoko iroro ranova chinhu chimwe chetecho. Zvinoita kuti Jesu Kristu ave mumwe chete zuro, nhasi, nokusingaperi, chinhu chimwe chete. Munozvitenda here? Ndiri kukudenhai kuti muzvitende. Nguva dzaenda, ini ndinongoramba ndichitaura. Ndiri kukudenhai kuti muzvitende kuti ichokwadi.

¹⁷⁵ “Madzichangamire, tinodawo kuona Jesu.” Chingave chii chimwezve, kana munhu akauya muno, azere neropa kwese-kwese, nemavanga ezvipikiri, nezvimwe? Jesu, paAnouya, ziso rese richaMuona, ibvi rose richapfugama, uye rurimi rwose rwuchapupura kana mutumbi waJesu wadzoka. Ndinotenda mukuuya kwaKe chaiko, mutumbi wenyama, achiburuka kubva Kumatenga nekudanidzira, nenzwi reMutumwa mukuru, nehwamanda yaMwari. Vakafa muna Kristu vachamuka. Asi Mweya waKe unesu pano.

¹⁷⁶ Uye seChechi, sepiramidhi, inosvika pa—painotesva, ndizvo zvakaita Chechi mumazuva aLuther, mazuva aWesley, mazuva ePentekosti. Uye zvino Dombo rechiruvi rave pedyo kuuya maIri, Chechi iyoyo inofanira kutesva zvakanyatsokwana, kusvikira shumiro imwe chete yaAkaita pano, Mweya waKe mumwe chete, une simba zvikuru, uchaunza mutumbi mumwe chetewo maUri, uye womutsa chinhu chacho chose. Ndizvo chaizvo. Ameni. Mwari ngavarumbidzwe.

¹⁷⁷ Tarisai kumashure kwedhora renyu remuAmerica, kune rimwe divi rinoti “Chisimbiso cheAmerica,” chapungu chine zvinhu muruoko rwachoso. Sei vakaisa chisimbiso cheEgipita voti, “Chisimbiso Chikuru,” kune rumwe rutivi? Kwete dzidziso yepiramidhi, haina maturo. Ndiri kutaura pamusoro pechinhu chavanotaura.

¹⁷⁸ Sezvakangoita, sei mudzimai, pese paanoroorwa, achiisa chifukidzo pachiso chake? Ari kuuya kumurume wake, musoro,

sezvakaita Rabheka. Akaisa chifukidzo pachiso chake kuti asangane naIsaka. Iye haasisina musoro zvachose, Isaka ndiyе musoro wake. Uye Chechi inofanira kunyatsozviisa pasi peShoko raMwari, zvekuti Inofukidza chiso chaYo pachaYo, haIna musoro. Iri...Hunhu hwemudzimai kuzviisa pasi pemurume. Uye ndizvo zvinofanira kunge zvichiitwa neChechi, kuzviisa pasi paKristu, kuShoko raKe, kuDzidziso yaKe, kuzvitevedzwa zvaKe. Haizvifungire pachaYo. Haina musoro, Kristu ndiyе Musoro waYo, kwete rimwe boka revashumiri, asi Kristu ndiyе Musoro waYo, Shoko, "Zvino Shoko rakaitwa nyama, uye rikagara pakati pedu." Hareruya! "Jesu Kristu mumwe chete zuro, nhasi, nekusingaperi," kuratidzwa kumwe cheteko kweShoko. Munozvitenda here? Ngatinamatei.

¹⁷⁹ Baba veKudenga, pane chinhу 1 icho varanda veNyу vane mungava nacho, kuparidza Shoko. Ndizvo chete zvatinokwanisa kuita, kungoparidza Shoko. "Vamwe vanowira kumativi enzira," vamwe vanosimuka uye vobuda, vamwe vanogara vachifunganya; vamwe vanoRigamuchira, Richaenda muvhу rakanaka, Richabereka zvibereko. Zvagara zviri nzira iyoyo, Makati zvichava saizvozvo, uye ndiyo nzira yazvinoitika nayo. Zvagara zviri nenzira iyoyo.

¹⁸⁰ Uye, Baba, ndinonamata, manheru ano, kuti muboka duku iri riri pano, kuti Rigowira zvizere pamunhu wese. Vaitei kuti vazive kuti kuuya kwaIshe Jesu kwava pedyo. Hatizive nguva, hakuna anoziva, Baba voga ndivo vanoziva. Jesu akapupura kuti Akanga asingaizive. Mwari voga ndivo vanoziva paVachaMutuma. Asi, Ishe, Munotipa zviratidzo, tinoziva kuti zviratidzo izvozvo zviri kuonekwa. Tinoona neGwaro kuti kushanyirwa kwekupedzisira uko maJudha akava nako, uye zvino kushanyirwa kwekupedzisira uko maSamaria akava nako, kushanyirwa kwekupedzisira uko Marudzi achagamuchira, kwakaporofitwa, kwakataurwa, "Jesu Kristu mumwe chete zuro, nhasi, nekusingaperi."

¹⁸¹ O Mwari, kana Mukanzi mandizodza manheru ano, neMweya waKristu, hazvina zvazvinobatsira kunze kwekunge Mazodza Chechi yeNyу nenzira imwe chete, zvinotorera isu pamwe chete. Hatina kuparadzaniswa, tiri mutumbi mumwe, Ishe. Ndinonamata kuti Mugozviita. Uye dai, kana shumiro yapera, dai pakasava nemunhu ane hutera pakati pedu. Dai ipapo, mumwe nomumwe wavo, dai Shoko iri rawira mumoyo yavo, uye dai vaRigamuchira. Uye dai zviratidzo nezvishamiso zvikuru zvaitwa.

¹⁸² Kana Mukazvipa, Ishe, tinoenderera mberi nekupodza kwaMwari, kana zvikasadaro, tinongopfuirira mberi neruponeso. Kuda kweNyу ngakuitwe, Ishe, kuratidza kuti tinotenda muEvhangeri izere, uye nekutenda kuti Muri mumwe chete zuro, nhasi, nekusingaperi. Muri Mwari muzodziwa weKudenga, uye Muri mumwe chete, uye tinoKutendai kuti

muri mumwe chete, kuti Muri kurarama nekusingaperi, mugere kuruoko rwerudyi rweHushe, muchirarama nekusingaperi kuti mureverere pamusoro pekupupura kwedu. Tinozvitenda, Baba.

¹⁸³ Tinonamata kuti Muchativharira mukati, muHumambo hwaMwari zvino, uye moZviratidza kwatiri. Zvino itai kuti vanhu vazine kuta kana kutongwa kwarova nzvimbo ino, ipapo, Ishe, hapazova nepembedzo, ngazvizivikanwe. MuZita raJesu. Ameni.

¹⁸⁴ Ndakuchengetai kwenguva refu, hatisi kuzodana vakawandisa, pamwe tinozotora vamwe vacho vose mangwana manheru. Andiudza kuti apa makadhi okunamatirwa, ndofunga. (Anga ari chii? A, 1.) A, 1 kusvika kuna 100. Zvakanaka. Hatikwanise kuvamisa vese panguva imwe chete, tinongovamisa sezvatinokwanisa, chero vatinokwanisa kumisa.

¹⁸⁵ Zvino, pane vakati wandei vavo pano vari mumawiricheya nezvime. Zvino, tinofanira kukudanai, uye zvakare kana tadaro, tichaona kuti matakurwa kuuya kumusoro kuno, kana nhamba yenu yadanwa. Asi sekungo... Tichavatora mumwe chete panguva, nekuti pane vakaremara vakawanda.

¹⁸⁶ Zvino, ndiani ane kadhi rekunamatirwa nhamba 1? A, nhamba 1. Simudza ruoko rwako, chero anaro. Kadhi rekunamatirwa A, nhamba 1. A, nhamba 1. Munogona kufamba here? Zvakanaka. A, nhamba 2. Ndiani ane A, nhamba ?? Mudzimai... Mati kudii? Nhamba 1? Pane zvisina kumira zvakanaka. Tarisai pakadhi ravo apo, onai kuti ikadhi ripi ravainaro. Mudzimai uyu haana kunzwisia, haana kadhi rekunamatirwa. Zvakanaka. A, nhamba 1. Imi... Ingomirai zvishoma, Amai, kana musina kadhi, hamusungirwe kunge muinaro, ingogarai ipapo motenda, zvino motarisa zvichaitwa neMweya Mutsvene. Maona? Zvakanaka.

¹⁸⁷ Vangani vanoziva kuti kune vakawanda vanopodzwa kunze uko vasina makadhi ekunamatirwa, kupfuura vanawo pano? Vangani pano vasina kadhi rekunamatirwa (Simudzai maoko enyu.), uye muchiziva kuti Mwari vanogona kukupodzai? ChingoVatarisai zvino, kwemaminitsi mashoma, kana Vaya. A, nhamba 1. Ndeupi mudzimai anga ane kadhi rekunamatirwa A, nhamba 1? Zvakanaka. Simukai. Ndi—ndiyo nhamba 1 here? Nhamba 2, ndiani ane nhamba 2? Nhamba 3. Huyai kumusoro kuno kwechinguvana, imi muri 3... imi madzimai. Nhamba 2, 1, 2. Nhamba 3, ndiani ane nhamba 3? Nhamba 3, huyai neche *kuno*. Imi mose nenzira *iyi*, kana uchigona kufamba, kana usingakwanise, zvakanaka simudza ruoko rwako, tichakutakura kumusoro kuno. Maona? Nhamba 1, 2, 3. Nhamba 4, ndiani ane kadhi rekunamatirwa nhamba 4? Simudzai ruoko rwenyu. Nhamba 4. Mudzimai ari *apo* chaipo. Huyai pano chaipo.

¹⁸⁸ Nhamba 5, nhamba 5. Zvakanaka. Nhamba 6. Chingounganai neche *kuno* kudivi *rino* neche *kuno*. Nhamba

6. Maasha, mumwe munhu, endai zasi uko, Hama Roy, vamwe venyu, batsirai vanhu. Zvakanaka. Nhamba 6. 1, 2, 3, 4, 5. Nhamba 6, ndiani ane kadhi rekunamatirwa nhamba 6? 1, 2, 3. Nhamba 6. Zvakanaka, Amai, vari mumutsara chaimo. Nhamba 7. Ipo *pano* chaipo. Munogona kusimuka here? Oo, zvakanaka. Nhamba 7. Nhamba 8. Zvakanaka, apo, Amai. Nhamba 9. Ipo *pano* chaipo, zvakanaka, Amai. Nhamba 10, nhamba 10. Kadhi rekunamatirwa nhamba 10. Munotti chii nechiSpanish? Pane vanhu vechiSpanish vazhinji here pano? Nhamba—nhamba 10. Zvakanaka, Changamire. Nhamba 11.

¹⁸⁹ Tinoda kuti imi, munhu wese ane kadhi rekunamatirwa, tichavanamatira, nokuti tino—tinosungirwa kuzviita; imi batai kadhi renyu. Nhamba 11. Rawana here...? Nhamba 12. Zvakanaka. Zvino, zvino, nhamba 13. Imbomirai zvishoma, amai ava *apa*. Ndiyo nhamba yavo here? Zvakanaka. Nhamba 14. Zvakanaka. Zvino, nhamba... Inhamba 13 here iyo? 13, neche *kuno*. Zvino, mumwe munhu asimuka pasiri ipo, munoona. Inhamba 13 here iyo? 14. Zvakanaka. Zvakanaka. Zvakanaka.

¹⁹⁰ Vari kuzo...? Vaunganidzei mune imwe kamuri. Zvino, ngatimirei, zvino tiunze ava, uye zvakare tinogona kupinza vamwe vose apo patinosvika kwavari. (Kana mukabvisa icho, kana chichigona kubviswa, kana kuti, oo, vanogona kuchipoterera, ndinofungidzira, kana...) Zvakanaka.

¹⁹¹ Zvino, mumwe nomumwe wenyu muno, hapana munhu mukuziva kwangu—kwangu, ari pano, wandinoziva, kunze kwekunge uyu ari mwanakomana waHama Evans, agere ipo *pano*. Ndi—ndinotenda kuti ndiRonnie Evans. Ndizvo here, Ronnie? Zvakanaka. Ndiye ega munhu wandinoona muchivakwa wandi—ndinonyatsoziva, kunze kwaHama Borders, maneja, nemwanakomana wangu, chero kwaAenda, mufundisi pano; imi vamwe mose muri vatorwa.

¹⁹² Zvino, ndiri kuona vangaite zvikamu 90 kubva mu 100 venu vari kurwara. Zvino, kumusoro mubharukoni zvakare, hazvina basa kuti uri papi, kana uchirwara kumusoro uko, usina kadhi rekunamatirwa, simudza ruoko rwako, uti, “Ndiri kurwara.” Zvakanaka. Tendai kumusoro ikoko. Zvino, rangerirai, paari kuvaisa mumutsara, regai ndikupei rimwe Gwaro, Ndinoda kuti munyore Magwaro aya pasi uye mugoorangarira.

¹⁹³ Zvino, hama vashumiri, neuko mukati *muno*, vangani vanoziva izvi, kuti Bhaibheri rakataura kuti “Jesu Muprisita Mukuru, iye zvino, anogona kubatwa nemanzwiro ehutera hwedu”? Vangani vanoziva kuti ichokwadi? Saka, kana Ari Muprisita Mukuru mumwe chete zvaAiva nezuro, Anozoita nenzira imwe cheteyo nhasi yaAkaita nayo nezuro. Ndizvo here? Kana muchizvitenda, simudzai ruoko rwenyu.

¹⁹⁴ Zvino, ndichakumbira, kana muchida, kuti musafamba-famba zvino kwemaminitsi mashoma. Ingogarai

mukuremekedza kwechinguvana. Musafamba zvachose. Uye, shamwari, chengetai vana venyu vari pedyo nemi nepamunokwanisa napo zvino, nekuti hatisi kushanda... hatisi kuita zvekutamba nekunamata. Uye kazhinji... Vangani vanoziva kuti izvi zvinobva pane mumwe zvichienda kune mumwe? Makazviona zvichiitika, hongu changamire, kazhinji. Vanhu vanongogara chaimo muzvigarzo zvavo uye vounyana, vaoma mitezo; ndakavaona vachidonha nekufira chaimo mu... chaipo pa... papuratifomu chaipo. Ndizvozvo. Hatisi kuita zvekutamba nekunamata, unofanirwa kuremekedza. Zvino, izvi zvinoyera.

¹⁹⁵ Zvino, Bhaibheri rakataura kuti "Jesu Kristu mumwe chete zuro, nhasi, nekusingaperi," uye Rinotaura kuti "Ndiye Muprisita Mukuru anogona kubatwa nemanzwiro ehutera hwedu," munhu wese anopupura kuti ichokwadi. Zvino, ungazine sei kuti waMubata? Iwe... Anoita nenzira imwe chete yaAkaita paAiva pano. Zvakakanaka, Akaita sei? Regai ndikupei muenzaniso, nekuti ndiri kukuitai...ndiri kuedza kukuitai kuti mutende kuti ndiYe mumwe chete. Haana kushanduka. Bhaibheri, Gwaro rangu, nderokuti ndiYe mumwe chete.

¹⁹⁶ Zvino, apo izvo...mune...paiva nemudzimai, toti akanga asina kadhi rekunamatirwa, asi aida kupinda mu...aitenda kuti Akanga ari Munhu mutsvene, Muporofita, uye akati, "Kana ndikangobata mupendero wenguwo yaKe, ndichapodzwa." Munoziva nyaya yacho? Uye akamanikidzira nzira yake achipinda nemuchaunga kusvikira aMubata. Zvino, haana-... Haana kumbozvinzwa panyama, munoziva, nekuti hanzu yechiParastina inorembera, ine nguwo yemukati zvakare. Asi haAna kumbozvinzwa panyama yake, nokuti Petro akaMutsiura, paAkati, "Ndiani aNdibata?"

Petro ndokuti, "Ishe, handiti," akaMutsiura, akati, "mhomho yose iri kuKubatai."

¹⁹⁷ Akati, "Asi Ndinoona kuti Ndaperera simba, simba rabva maNdiri," zvino Akatarisa kwese-kwese. Munoonaa, Akanga abatwa neimwe mhando yekabatiro. Zvino Akacheuka ndokutarisa paungano, kusvikira Awana mudzimai mudiki akanga aMubata, zvino Akamuudza nezvekubuda ropa kwake ndokuti, "Kutenda kwako kwakuponesa." Aiva Jesu nezuro here uyu?

¹⁹⁸ Zvakakanaka, kana Ari mumwe chete nhasi, "Muprisita Mukuru anogona kubatwa nehutera hwedu," haAkwanise kukubata here kana ukaMubata? HaAkwanise kuita basa rimwe chetero here?

¹⁹⁹ Zvino, iyo...Zvino rangarirai, Anogona kushandisa izwi rangu, kana zvirizvo, ndakangoita semaikirofoni iyi, haina ruzha kana pasina chimwe chiru kutaura nemairi. Ndizvozvo. Handikuzivei, asi Iye anokuzivai. Saka munogona kundibata,

hazvina zvazvingabatsira nepadiki zvapo, ukabata vafundisi, hazvina zvazvingabatsira nepadiki zvapo, vangori vanhu sezvandiriwo ini, asi mukaMubata kamwe chete, tarisai zvinoitika. Zvino, hausungirwe kunge uri *pano*, hausungirwe kunge uri papuratifomu, bedzi, ingotenda chete.

²⁰⁰ Zvino, uyu ndiwo mufananidzo wepandanga ndichitaura manheru ano, muna Mutsvene Johane chitsauko 4, kana uchida kuiverenga kana wasvika kumba. Hepano murume nemudzimai, mudzimai uyu handimuzive, handina kubvira ndakambomouna muhupenyu hwangu, mutorwa zvachose kwandiri. Nguva shoma yapfuura vapa makadhi ekunamatirwa, zvino iye a-... awanawo rake.

²⁰¹ Mukomana anouya kumusoro kuno pamberi penyu mose, osanganisa makadhi ekunamatirwa iwayo kuti arege kuziva kuti nderipi raari kupa ani, saka anongoatambidza kwamuri, chero ramunoda. Uye zvaitika kuti mudzimai uyu... Uye ndinoadaidza kubva chero papi hapo, zvichida mangwana manheru, ndinogona kutangira pana 65, kana 45, kana 25, kana—kana 90 ndichidzoka kumashure. Munozviziva izvozvo, imi manga muri mumisanganayo iyi.

²⁰² Saka zvangoitika saizvozvo manheru ano. Uye ndiri kuona wachi iyo ichitenderera kusvika apo, uye handisi kuda kukuchengetai. Asi mudzimai uyu zvangoitika kuti anga ari pandatangira, nhamba 1. Ndinodaira kuti ndimi mudzimai wacho, ndimi here? Ndimi—ndimi munhu wacho here? Zvakakanaka. Tiri vatorwa mumwe kune mumwe, hatizivane. Aka ndekekutanga kedu kusangana. Heino nzvimbo diki pano: Heuno murume nemudzimai, vachisangana kekutanga, saJesu nemudzimai uya patsime, vanhu 2, vasati vamboonana, uye hepano patimire.

²⁰³ Zvino, kana ndikati kumudzimai, "Ishe vakandituma kuti ndinamatire vanorwara, ndichaisa maoko angu pamusoro penyu." Hunogona kunge husiri hurwere hwavauyira pano, pamwe idambudzikiko remumba, pamwe idambudzikiko remari, pamwe ndechimwewo chinhu. Zvichida haatombori Mukristu, handizive. Asi kana Akakwanisa kumuudza zvakaitika, uyezeve ozomuuza zvichazoitika, zvirokwazvo anogona kutenda zvichaitika, kana iYe achigona kutaura zvakaitika. Ndizvo here? Vangani vanozvitenda zvino? Zvakakanaka.

²⁰⁴ Zvino, kana paine ani zvake anofunga kuti pane chakaipa pazviri, zvekuti iwe une chirongwa chiri nani, pfungwa iri nani, wakasununguka kuuya pano zvino wotorwa nzvimbo yangu. Kana ukasadaro, ibva wanyarara nezvazvo. Maona?

²⁰⁵ Zvino cherechedzai, zvino, hezvinoi izvi, ndichangobva kuparidza Shoko kuti Kristu ndiye mumwe chete zuro, nhasi, nekusingaperi, uye akaratidzwa neGwaro kuti Anorarama nhasi

muChechi yaKe, uye Ari kuuya, uye nechiratidzo chekupedzisira chaAkapa kumaJudha, maSamaria, uye zvino kune Marudzi.

²⁰⁶ Takava... MaJudha akava nemakore 4,000 ekutenda kuti Muporofita aiuya, muchinhano chaYo chikuru, chechi payaienderera mberi; Marudzi akava nemakore 2,000 *ezvitevedzwa zvemachechi*, uye zvino pa... zvichienda zvichidzika pakutura nendimi, nekupodza kwalMwari, uye zvino, kusvika chaiko kunguva yekupedzisira, apo Mesiya mukuru muhuzaro hweMweya waKe, achifamba, kwete mumunhu 1 bedzi, muChechi yose, uchiyerera.

²⁰⁷ Zvino, zvisinei nekuti ndingatenda zvakadini, mudzimai uyu anofanira kutendawo.

²⁰⁸ Uye zvino imi vari kunze uko, vasiri kuzova mumutsara wekunamatirwa, tarisai kuna Mwari muti, "Mwari, mutana mudiki uyo akamira kumusoro uko haandizive, hapana chaanoziva nezvangu, asi ndiri mu—ndiri muchinhano chakaipisia, regai ndibate hanzu yeNyuu, uye Imi motaura kubudikidza nemaari mondiudza chimwe chinhu." Zviedzei. Moona kana Ari mumwe chete zuro, nhasi, nekusingapere. Musazviedza, zvitendei. Chero ani zvake anogona kuzviedza. Hatiedze Kristu, tinongoMutora toMutenda; haAuye nekuedzwa.

Zvino, kana Mweya Mutsvene ukazarura... Ndinofanira kutaura nemudzimai uyu kwechinguvana.

²⁰⁹ Zvino, tarisai pano, ndiri muSpokane. Sei ndakauya kuSpokane? Takatoita dambudziko kuti tisvike kuno, tikatozochinjanisa misangano neimwe nyika. Ndaifanira kunge ndiri pano munguva iri kumberi kweino, asi ndakatozoichinjanisa. Asi zvakadaro, uye isu... Ndinofunga havana kukwanisa kuwana chivakwa chacho, vakatozouya kuzotora chechi yehama iyi, nedzimwe hama idzi, dzinoshamisa, dzakapinda, dzichibatirana pamwe nehama iri pano. Zvinotapira izvozvo, zvakanakisa; ndiyo—ndiyo nzira yandinoda kuona Chechi ichiita.

²¹⁰ Hepano patiri, takamira pano sezvizvi. Uye hepano pandiri. Sei? Mwari vakandituma kuno, ndakanzwu kuti ndiuye kuno. Handina basa kuti ihondo yakawanda sei yandinofanira kuva nayo, Vakati huya kuno, uye hezvo ndiri pano. Kwete nekuti ndakanga ndisina imwe nzvimbo yekuenda, bvunzai maneja uyu, tine bhuku rekoker, pasi rose, mazana adzo, asi ndakangonzwa kuti ndiuye kuno. Sei? Handizive. Zvichida Vachatupfunura rumutsiriro, zvichida uri kugamuchira Mharidzo yako yekupedzisira. Handizive, handikwanise kukuudza. Asi Vakandituma kuno, handizive kuti sei. Hezvo ndiri pano.

²¹¹ Jesu akakwira kuSamaria. Sei? Akanga asingazine. Mumwe mudzimai akabuda, Akangotanga kutaura naye, ndokubva

Awana dambudziko rake. Zvino akamhanya akaudza munhu wese, "Ndiye Mesiya."

²¹² Zvino, Amai, kana Mweya Mutsvene ukandizarurira chimwe chinhu chamauyira pano, kana chimwe chinhu chamakaita, kana—kana chero zvachingava, munoziva kuti handikuzivei, uye—uye kana Vakazvizarura, munotozviziva kuti zvinofanira kubva kune rimwe simba remweya. Zvinofanira kuuya... Munozviziva izvozvo, handizvo here, hama? Zvinofanira kuuya kuhanzvadzi, chete, zvinotofanira kuuya nemusimba remweya. Munozvitenda here, kunze uko?

²¹³ Zvino zvinoenderana nezvaunofunga kuti Chii. VaFarisei vakati, "NdiBherizebhabhu." Asi vatendi vakati, "NdiMesiya." Vaive vanhu veMagwaro vanotenda Magwaro.

Zvino, ndichangotaura nemudzimai uyu. Uye ndapota rambai makagara pasi. Zvino, musafambe nekuti...

²¹⁴ Unoti, "Hama Branham, muri kumirira chimwe chinhu." Zvirokwazvo. Vanga vaine mufananidzo weMutumwa uya here kumusoro kuno? Hoyoka uyo muWashington DC, nezvimwe zvakadaro, Chinhu choga chemweya chati chamboratidza pachena nesainzi. Shongwe yeMoto imwe chete yandakakuudzai kuti yaiva neIsraeri. PaYakaitwa nyama, tinoona zvaYakaita munyama.

²¹⁵ Zvino, kana iri Shongwe yeMoto imwe cheteyo, IchaZviratidza nenzira imwe cheteyo, Hupenyu humwe chetehwo. Ukaisa hupenyu hwemuzambiringa mudzinde renhangga, raizobereka mazambiringa. Zvirokwazvo hwaizodaro. Hupenyu huri mariri hunobereka zvibereko. Kristu akati, "Ndiri Muzambiringa, imi muri matavi." Akakwira kumusoro ndokudzosa Hupenyu hwaKe, Hupenyu hwaKe hunopupura.

²¹⁶ Zvino, kana zvakadaro...Ndakamirira chizoro ichocco, uye kana chikasauya, ndichangoisa maoko pamudzimai uyu, ndomunamatira, ndoenderera mberi. Handizive, handigone kureva. Iri kutora nguva yayu, kana kuti, ndiri kutora nguva yangu, ndakaImirira. Ndizvozvo chaizvo.

²¹⁷ Dambudziko nemunhu wese nderei? Dambudziko nderei? Hamugone kutenda here? Iva nekutenda, shamwari. Gwaro riri pano pamberi penyu, zvino munhu ofamba achiuya kumusoro kuno, uye oshinga pamberi peungano yevanhu kutora Shoko raMwari, odenha nyika yose naRo? Tendai, ivai nekutenda. Ameni.

²¹⁸ Zvino, muZita raJesu Kristu, Mwanakomana waMwari, Ndinotora mweya wose uri muno pasi pekfufamba kweMweya Mutsvene, uyo wakandizodza. Zvino, ivai nekutenda. Tarisai kuno kwechinguvana, saPetro naJohane vakati, "Titarise." Ndiri kuvimba nekuda kwenu. Handizive. Makangomira pano, mudzimai. Asi kana Mweya Mutsvene ukazarura chimwe chinhu

kwandiri chiri muhupenyu hwenyu, munozoziva kuti ichokwadi here kana kuti kwete.

²¹⁹ Ndiri kutaura nemi mumwe nemumwe, ndicho chikonzero ndine mumwe munhu kumusoro kuno, kuti ndingowana maziviro. Mweya unondizodza, uye zvadaro ndi—ndinogona kutangira kuungano, kana chero kwaunenge uri, munoona, chero kupi kwaVachazonditungamirira zvino.

²²⁰ Zvino, ndiri kungotaura nemi kuti ndizive, kuti ndingoona zvaVangandiudze. Handizivi, zvingava kwaVari kutaura, asi ndine chokwadi chekuti Vachaziita. Hongu, changamire. Mudzimai anobva pandiri, achisuduruka. Anogona kupupura, iko zvino, kuti pane manzwiro akamupoteredza akaita semanzwiro emazvirokzwazvo anotapira, akaninipa, nekuti Chiedza chagara pamusoro chaipo pemudzimai uyu. Zvino mudzimai uyu ari kutambura nedambudzikro repahuro. Ndizvozvo. Ndizvozvo, Amai. Munotenda here?

²²¹ Sei kari kakawanda kacho, nguva dzese, mumwe munhu anofunga kuti “Azvifembera izvozvo”? Ndine pfungwa yakanaka yekuda kudana wacho azviita. Usadaro. Iwe tenda. Handina kumbozvifembera pamudzimai uyu, anoziva kuti handingakwanise kudaro. Zvingava zvakakwana sei, uye zvova...?

²²² Hezvo kungo, anenge munhu akaisvonaka, regai nditaure naye kwekanguvana. Zvino, chero zvaAkuudzai, ini handingazine. Zviri patepi, munoona. Nditori kumwewo, zvakaita sechimwe chiyero, chiratidzo. Hamusi kuona here? Hongu. Zviri...pahuro. Mune dambudzikro repahuro, uye muri kunetseka nekuhuta-huta, munoita semunohuta-huta zvakanyanyisa. Zvino, munongova nezvakavhiringika, zvinhu zvakawanda zvinokunetsai, munorukutika chaizvo, husiku hwafamba, kuneta, kupera simba, basa renyu raitwa. Ndizvozvo chaizvo.

²²³ Chimwezve chinhu, pane mumwe munhu wamuri kunetsekera, wamuri kunamatira. Ndiri kuona mumwe murume achioneka. Ano—anofanira...anofanira kunge ari murume wenyu. Zviri munzvimbio imwe chete. Murume wacho ari pano iko zvino. Munotenda here kuti ndinogona kukuudzai chiri, dambudzikro remurume wenyu? Munganditenda here kuva ndiri muranda waKe? Murume wenyu anotambura nedambudzikro remoyo, iyewo anohuta-huta. Uye—uye maunza mumwe munhu kubva ku...mumin'ina wenyu, mamuuunza kubva mumu—musha unochoengeterwa chembere nevakaremara. Akagara ipo pano, ndizvozvo, akaremara.

²²⁴ Munotenda here? Zvino, ndiYe mumwe chete zuro, nhasi, nekusingaperi here? Zvino izvozvo zvinounza chii? Kristu pano nesu. Munotenda here nemoyo wenyu wese? Zvino

endai munogamuchira zvamakumbira. Musapokane. Munogona kuwana zvamakumbira, Mwari vachava nemi.

²²⁵ Zvino, musafamba-famba. Garai makanyatsonyarara, garai makanyarara, garai makanyarara; muchiremekedza. Munoona, mumwe nemumwe wenyu uri mweya, uye paunofamba ndinongogona... unogona kungozviziva, zviri kufamba, pane chimwe chinhu chisina kumira zvakanaka. Maona? Chingovai nekunyatsoremekedza zvino, makanyarara.

Uyu ndiyе mudzimai wacho.

Mu—Mutumwa wa... Chiedza chandinotarisa, Chaoneka neche *muno* pane imwe nzvimbo, chaimo *muno*. Ivai munonyatsoremekedza. Zvino, chingorambai muchinamata.

²²⁶ Zvino, kana ndikatarisa pasi, ndoti, "Zvino, munhu *uyo*, akarara panhowo, akaremara, kana kuti ane arthritis, ari kuzo..." Maizoti, "Chokwadi, itarisei, chokwadika ndizvo, munogona kuzviona." Asi pano munhu uyu anotaridzika kuva mutano zvizere. Dambudziko rake mudzimai uyu nderei? Heyo nyaya yacho. Zvino, tarisai neche kuno kwechinguvana, Amai. Tiri vatorwa mumwe kune mumwe, kekutanga kedu kusangana. Mweya Mutsvene mukuru ari pano. Munozvitenda here izvozvo? Muri kuUnzwa. Haasi Manzwiro anotapira here? Munoona, Unongonzwika... Uchiziva kuti uri Mukristu, nokuona kugamuchirwa muMweya iwoyo, zvinongoita seUnongo—kungo... unova—unova, Manzwiro chaiwo anotapira, akaninipa. Chinhu chakanaka kwazvo kuva Mukristu.

²²⁷ Zvino, kana Ishe Jesu vakangondiudza chimwe chinhu pamusoro penyu, kana zvamakamirira pano, zvamunoda kubva kwaVari, mungazvitenda handiti kana Vakagona kukuudzai kuti i—inyaya yei.

²²⁸ Zvino, dai ndaigona kukupodzai, ndaizviita, asi handikwanise, munoona. Dai Vainge vakamira pano, vaine sutu iyi yaVakandipa, Vaisakwanisa kukupodzai, nekuti kupodzwa kwenyu kwakatobhadharwa kare, Vaizokuitai kuti muzive kuti Vanga vari iVo, uye kuti Vaizoviita sei, kubudikidza nenii vachiZviratidza kuva mumwe chete zuro, nhasi, nekusingaperi; izvo chaizvo zvandaparidza nezvavzo. Ungano, ndinotenda kuti tose tinozvitenda izvozvo. Hongu.

²²⁹ Zvino, imi chingotendai. Muri kutambudzika nebuli remudumbu. Ndizvozvo, ichokwadi. Zvakare mune chimwe chinhu chisina kumira zvakanaka nerutivi rwenyu rwekurudyi. Mune marwadzo anorova uye anodzika chaiko zasi nerutivi rwenyu rwekurudyi, kusvika chaimo mutsoka dzenyu. Ndizvozvo, handizvo here? Munotenda here kuti ndiKristu wamakazodzwa naye zvino? Mugamuchirei seMupodzi wenyu, ibasa rakapedzwa. Zvose zvichakusiyai, uye hamufe makazova

nazvo kana mukazvitenda. Mwari vakuropafadzei. Mwari vakuropafadzei, hanzvadzi yangu.

²³⁰ Ini handipodze. Ini...Dai Ainge akamira pano, haAigona kupodza. Vangani vanozviziva izvozvo? Akatozviita kare. Munoona, Anongokuzivisai kuti Ari pano, Akamuka kubva kuvakafa. Ndicho chinhu choga chaAigona kuita, kuZvizivisa kuti Achiri Mesiya.

²³¹ Makadiniko? Ndinofunga kuti tiri vatorwa mumwe kune mumwe. Handisati ndakambokuonai muhupenyu hwangu, uye takangomira pano kekutanga, murume nemudzimai vasangana.

²³² Pane murume ari kuramba achiuya pamberi pangu, munooona, mumwe munhu ari kunamata. Rambai muchingonamata, zvakakanaka. Ndizvozvo chaizvo. ChingoMubatai. Ndinongokukumbirai, muZita raiShe Jesu, kuti mutende zvandaura kuti ichokwadi, nekuti ndataura chokwadi, uye munoziva kuti ndizvo, zviri kubva muShoko. Uye kana ndataura chokwadi, Mwari vanosungirwa kuShoko raVo pachaVo. Maona? Kwete kusungirwa kwandiri, Vanosungirwa kuShoko raVo. Maona? Ndiri kungotaura Shoko raVo.

²³³ Zvino, ndisingakuzivei, asi kana Ishe Jesu vakandiudza chimwe chinhu pamusoro penyu, kana chimwe chinhu chamakaita, kana chimwe chinhu chamaisafanirwa kuita, kana zvime imi...dambudziko ramunaro, zvino pamwe ndezve mari, ndezve mumba, handizive. Asi kana Vakangozvitsanangura, munozoziva kuti panofanira kunge paine imwe mhando yesimba. Rinofanira kunge riri Shoko raMwari, nokuti "Ndiro Munzveri wemifungo yemoyo." Ndizvozvo chaizvo. Munotenda here kuti Mwari vakatumira izvi, mumazuva ekupedzisira, uye ndiKristu ari kupupura nezvekuuya kwaKe nenguva isipi? Kana muchizvitenda izvozvo, zvino Mwari zvirokwazvo vachakupai chikumbiro chenyo.

²³⁴ Mune pamakatsemuka, paviri pose. Ndizvozvo. Mune chimwezve chinhu chisina kumira zvakakanaka, idambudziko redundira. Ndizvozvo, handizvo here? Munotenda here kuti Anoziva kuti ndimi ani? Mai Peterson. Ndimi vacho. Zvino, endai muchitenda uye, hazvizokunetsai zvakare. Ivai nokutenda. Musapokane. Munotenda here? Ingovai nekutenda muna Mwari. Musapokane. Musapokane.

²³⁵ Tiri vatorwa mumwe kune mumwe, asi Ishe Jesu vanotiziva tiri vaviri. Uye munofunga here kuti Anogona kuita chimwe chinhu, kana kundiudza chimwe chinhu pamusoro penyu chingakubatsirai? Mungazvitenda here?

Zvino, munocherechedza mamiriro azvandiisa maari zvino, ndiri kungodedera kwese-kwese. Munoti, "Sei, Hama Branham? Sei muchidaro?"

²³⁶ Zvinoka, kana mudzimai muduku mumwe, akabata mupendero wenguwo yaJesu, akaita kuti Mwanakomana

walMwari apere simba, munofunga kuti zvingandiitei, ini mutadzi, akaponeswa nekutenda? Heino nzira yoga yandaigona kuita kunyangwe imwe chete imhaka yekuti Akati, "Mabasa aNdinoita imi muchaaitawo; muchaita akawanda kudarika aya."

²³⁷ Bhaibheri reKing James rinoti "makuru," asi harina kududzirwa zvakanaka, dudziro chaiyo inoti "akawanda." Ndianiko angagona kuita mamwe makuru? Akapodza vanorwara, Akamutsa vakafa, Akamisa zvisikwa, Akaita zvose zvaida kuitwa. Maona? Unongoita akawanda awo chete, nekuti Aizopatsanurwa achigoveraniswa muChechi yaKe, "akawanda kudarika aya."

²³⁸ Zvino, heuno mudzimai mudiki kwazvo kwandiri. Handimuzive, handisati ndambosangana naye. Tiri vatorwa mumwe kune mumwe, asi Mweya Mutsvene unotiziva tiri vaviri. Uye kana Mweya Mutsvene ukandizarurira chimwe chinhuhakadaro, zvingaita kuti ungano yose igotenda here? Munhu wese?

²³⁹ *Herino* ruoko rwangu, *herino* Bhaibheri, handizive mudzimai uyu. Maona? Uye hapo paamire. Anogona kunge akange ari mumusangano kune imwe nzvimbo. Makambopinda mune mumwe wemisangano yangu here kumashure? Haana kumbobvira akapinda mumusangano, kana, kumashure. Akangomira pano. Tiri vatorwa chaivo mumwe kune mumwe.

²⁴⁰ Zvakanaka. Mweya Mutsvene ngaukupei chikumbiro chenu, Hanzvadzi. Hongu. Mudzimai uyu ane dambudzikokumapeto eura. Ane ura hwakazvimbba, hwakazvikonzera. Makava nedambudzikorakawanda muhupenyu hwenyu, handizvo here? Ndiri kukuonai muchipinda muchipatara, kwete, 1, 2, 3, 4, 5, 6, maoparesheni. Iyi iZVANZI NAJEHOVHA. Tendai nemoyo wenyu wese, uye zvese zvatopera.

Munozvitenda here?

²⁴¹ Huyai nepano. Munotenda here kuti Mwari vanogona kupodza dambudzikoremoyo? Zvakanaka. Pfuirirai zvenyumbieri, muchibva papuratifomu.

²⁴² Munotenda here? *Pano*, makasimudza ruoko rwenyu, munotenda here kuti Anopodza dambudzikoreprostate ramuinaro, okuitai zvakanaka? Zvakanaka, kana muchizvitenda, munogona kuwavo nazvo zvakare, ingovai nekutenda.

²⁴³ Makadini, Amai? Munotenda here kuti Anopodza arthritis? Zvakanaka, chingorambai muchifamba zvino, uye Anokupodzai, chingo, Achazvipodza, kana mukazvitenda.

²⁴⁴ Ko imi, Amai? Mungada here kukurira dambudzikoremudumbu iroro mugopora? Chingorambai muchifamba, muchiti, "NdinoKutendai, Ishe. Ndi—ndinozvigamuchira."

Kana mukangozvitenda! Chii...? “Zvinhu zvose zvinogoneka kune avo vanotenda.”

²⁴⁵ Munotenda here? Ko kana ndikasataura chinhu kwamuri, ndongoisa maoko pamuri? Mungazvitenda here? Munotenda kuti munopora here? Huyai pano. MuZita raJesu Kristu, dai mudzimai uyu apodzwa.

Ndemumwe anga asiri kuda kuona chero chinhu. Maona? Angotenda kuti chero zvazviri, zvakatoringana.

²⁴⁶ Huyai, Amai. Ko kana ndikasataura chinhu kwamuri? Mungatenda zvimwe chetezvo here? Zvakanaka, kana muchidaro, dambudzikko remadzimai... Ndatokuudzai kare, saka endai mberi henyu. Dambudzikko remadzimai iroro...?... richaenda uye rokusiayi, uye muchaita zvakanaka, kana mukangotenda nemoyo wenyu wose. Tendai.

²⁴⁷ Munotenda nemoyo wenyu wese here? Endai munodya chikafu chenyu chemanheru muti, “Ndinotenda Ishe nekundipodza.” Ameni. Mwari vakuropafadzei. Ingovai nekutenda. Musapokane. Ingotendai nemoyo wenyu wese.

²⁴⁸ Huyai, Amai. Mava nemudumbu munohuta-huta kwenguva refu. Makatambura kakawanda nekuda kwamo. Zvose zvapera zvino. Munozvitenda here? Zvakanaka, endai, muchiti, “NdinoKutendai, Ishe.”

Vangani vanotenda kunze uko, nemoyo wenyu wese? Munotenda here kuti ndiYe Mwanakomana waMwari? Mumwe chete zuro, nhasi, nekusingaperi?

Munozvitenda here? Chitangai kufamba muchibva papuratifomu zvino, muchiti, “NdinoKutendai, Ishe.”

Pane Chimwe chinhu chandizodza, handiCho here? Ndinoisa maoko pamusoro penyu, ndichiti, “Ishe ngavarumbidzwe.” Chimwe chizoro.

Huyai. Munotenda here? Ivai nokutenda. MuZita raIshe Jesu, endai mugopodzwa, tendai.

²⁴⁹ Huyai. Kana ndikasataura chinhu kwamuri, mungatenda zvakadaro here? Zvakanaka, munohuta-huta. Saka, muri... makava nekuhuta-huta kwenguva yakareba. Chaizvoizvo, chimwe chinhu ishanduko iyo, kuguma kubereka uku kwakuvuhiringai. Munota nguva dzamunonzwa kuderera zvakanyanya, uye imi... munhu wese ari kuti, “Dzikama mhani iwe,” asi hamugone, pane chimwe chinhu chiru kukuvhundutsai. Asi chaenda zvino, chichagara chisipo. Maona? Ingovitendai nemoyo wenyu wese. Endai munotenda nemoyo wenyu wese.

²⁵⁰ Munotenda here? Mumwe munhu kunze uko muungano tenda. Oo! Munotenda here? “Changamire, tinodawo kuona Jesu.” Munoziva hazvigoni kuva ini. Saka, munofunga kuti Uyu ndiAni?

²⁵¹ Ko mudzimai mudiki uyu wekuMexico, akagara apa? Ari kutambudzwa nedzungu. Ndizvozvo chaizvo. Munotenda here? Mabata Ani? Mabata Muprisita Mukuru. Hamuna kumbobata ini, muri kuresa nenii. Zvakanaka, dzungu renyu rakusiyai. Ameni. Ameni.

Vabyunzei kana zviri izvo. Hmm. Ingovai nekutenda muna Mwari, tendai Mwari.

²⁵² Ko imi, makarara apo pasitirecha? Hongu, imimi. Munotenda nemoyo wenyu wese here? Manongedza munwe wenyu. Munonditenda here kuti ndiri muporofita waMwari, kana kuti, muranda waVo? Ndikataura nenzira iyoyo, zvinogumbura vanhu. Munozvitenda here? Kana... Handikwanise kukupodzai, Changamire. Asi Mwari vanogona. Kana mukarara ipapo, muchafa. Vanachiremba havagoni kukubatsirai. Chimwe chinhu, mune dambudzikro remudumbu, mune arthritis kumusana wenyu, asi hapana anogona kupodza izvozvo kunze kwaMwari. Asi kana mukatenda Mwari, uye moita maringe neShoko, munogona kusimuka, motora mubheda wenyu, moenda kumba.

Ko imimi muri pasitirecha inotevera, neche apo? Munotenda here?

²⁵³ Hoyoka achienda. Mwari ngavarumbidzwe. Muri kumuona here achitwasanuka? Hoyoka achienda. Ngatipei Mwari rumbidzo. Ameni. Munozvitenda here? Ameni. HaAsi here mumwe chete zuro, nhasi, nekusingaperi? Handigone kupodza, handigone kuti aite zvakanaka, Kristu ndiye anogona.

²⁵⁴ Ko muri kutyei? Pandatura, maminetsi mashoma apfuura, pamusoro pemudzimai uyo ari kuhuta-huta, manyatsonditendeutsa. Muri kutya. Hapana chiri kuzoitika kwamuri, muchaita zvakanaka. Munozvitenda here izvozvo? Mungadhonza sei kutenda kwaMwari? NdiAni wamabata kuti azivise kuti kwanga kuri kuhuta-huta kuri kukanetsai? Munotenda Mwari here? Munozvitenda here, kuVatora paShoko raVo? Munonditenda here kuti ndiri muporofita waVo? Zvino nemuZita raje Kristu, simukai kubva pasitirecha iyoyo, muende kumba, uye mukanganwe nezvazvo. Munozvitenda here? Budai. Simukai. Torai ichocco chamunacho, endai kumba, mupodzwe.

Ivai nokutenda muna Mwari. Munotenda here?

²⁵⁵ Kana mudzimai uyu akangotenda chete! Manga muchinamata. Pane Chiedza chiri pamusoro penyu. Kana muchitenda, muchakurira poriyo iyoyo uye mugopodzwa, modzokera kuminda yekuvhangera. Musapokane nazvo.

²⁵⁶ Munozvitenda here? Ko imi neche uko? Dambudzikro remusana, dambudzikro redundira, zvakanakhiringika, zvese hazvigone kuwana... Hapana chinogona kukubatsirai. Kristu, ndiYe ega anogona kukupodzai. Ndizvo here? Madii

maMutenda? Munonditenda here kuti ndiri muporofita waKe? Mungatora shoko rangu seraKe here, kuti ndikuudzei kuti ndiYe mumwe chete zuro nekusingaperi? Angamira sei pano zvino okuudzai zvose pamusoro wenyu, imi musina kuMubata? Madii maMutenda, simukai, torai mubhedha wenyu, uye muende kumba, munopora! Muchazvigamuchira, uye mobva panhowo iyoyo.

Tendai Ishe Jesu Kristu. Ivai nekutenda, tendai.

²⁵⁷ Mudzimai mudiki uyu agere *apa* muwiricheya *iyi*, handikwanise kukupodzai, asi kana mukatenda nemoyo wenyu wese, chirwere cheshuga ichocho chichakusiyai, zvino moenda kumba, kunopora. Ivai nekutenda muna Mwari, zvitendei, budai, endai kumba, podzwai.

²⁵⁸ Ko imi makarara *apo*, muchitambudzika nekubuda ropa pahuro, zvese? Munotenda nemoyo wenyu wese here? Kana muchitenda nemoyo wenyu wose! Zvinhu zvese hazvina kumira zvakanaka pamuri, asi madii masimuka, uye mobva pamubhedha iwoyo, ibvai panhowo iyoyo! MuZita raJesu Kristu, simukai! Ameni.

²⁵⁹ Havoka avo! Munhu wose anotenda, munozvitenda here? “Madzichangamire, tinodawo kuona Jesu.” Munozvitenda here? Isai maoko enyu pamusoro pemumwe nemumwe zvino, nekukurumidza chaiko, isai maoko enyu pamusoro pemumwe nemumwe, mutendi wose. Heano, hawo mawiricheya asisina vanhu, nhowo idzo. Isai maoko enyu pamusoro pemumwe nemumwe munamate.

²⁶⁰ Baba veKudenga, nemuZita raIshe Jesu Kristu, dai Satani akarasikirwa nesimba rake pakati pevanhu ava paanoona vakaremara, vane arthritis, vakaremara vachigona kuuya vachipodzwa. Zviitei, Ishe, kuti vazvitende. MuZita raJesu Satani ngaavasiye. Ameni.

²⁶¹ Wese anotenda kwaAri, anoMugamuchira zvino seMupodzi wako, simuka netsoka dzako, muZita raJesu Kristu ugopodzwa. Ameni. Hezvoka izvo: Mumwe nemumwe wavo asimuka.

²⁶² Ngatiimbei rumbidzo kwaAri. Simudzai maoko enyu muMupe rumbidzo. “Madzichangamire, tinodawo kuona Jesu.” Ndiye mumwe chete zuro, nhasi, nekusingaperi. Haambokundikana, ndiYe Mwanakomana waMwari, weKusingaperi, uye haAmbofa akakundikana. Tenda kwaAri nemoyo wako wese, upodzwe. Simuka uende kumba. 

62-0712 Tinodawo Kuona Jesu
Open Bible Standard Church
Spokane, Washington U.S.A.

SHONA

©2023 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedza. Bhuku iri rinokwanisa kudhindhwapapirinda yekumba kuti ushandise uri iwe pachako kana kugovera kunze, usingatengesi, semudziyo wekuparadzira Evhangeri yaJesu Kristu. Bhuku iri harigoni kutengeswa, kudhindhwakawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimwewo zviripo zvingawanikwa, tapota nyorera:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.**

www.branham.org